

流

志

初九

第 六十二 册



濟南府志五十三

人物九

國朝 歷城



孫建宗字毓祺其先自棗強遷歷城父止孝以忠烈殉城守建宗由崇禎十六年進士入

國朝授祁縣知縣分校鄉試號得人行取戶部主事殫心會計吏胥不能為奸順治三年充山西正考官事竣遷郎中七年出為睢陳兵備道僉事郡縣兵燹後一望榛莽招流亡善拊循頗有起色撫按交章薦治行卓異擢通政司叅議歷順天府丞四夷館少卿太常寺卿遷大理寺卿悉心平反轉都察院右副都御史慨然以肅綱紀為己任上三疏皆蒙嘉納出為陝西左布政使

濟南府志

卷五十三

人物九 國朝 歷城

一

陝西歲輸不及三百萬而支發之額倍之裁陋規革浮費日夜焦勞十四年內轉太僕寺卿卒於道年五十五祭葬如例子珏觀城教諭歷國子監學正兵部司務兄子琬字姬玉有義行出嗣惠宗即從止孝殉城守者也琬子宏祖續祖

孫宏祖字適來琬長子康熙丙子科房薦甚力主司藏其文笥內忘之由歲貢選日照訓導未任卒

孫續祖字于萬琬次子十歲應童子試人目為神童雍正八年進士授南樂知縣潔已勤撫字善防胥役舞弊田夫野老咸登堂上壽三年以迴避離任所攜惟書數篋耳委署正定地有魏國公屯田如干頃賦數倍常請於上官得減賦視他田以公事過南樂百姓空城出迎擁輿不得行補滿城奉檄興水利於白草

溝金線河建石牖晝夜河干以勞致疾工竣而卒縣人請祀名宦祠

孫維宸字子襄宏祖子由歲貢官蘭山訓導不索諸生一錢以老歸

劉緯字光宿歷城人前朝崇禎舉人順治三年進士授崇明知縣調府貽有能名卒官祀鄉賢在前明與葉承宗友善嘗預修縣志其同訂者趙天開孫承宗蒐采者楊衍祚叅閱者陳文鶴王胤較正者葉承祧續次有薛霽皆歷城人

葉承宗字奕繩其先歷水人成化初有金吾尉寶者其高祖也從德王之國因家焉承宗少嗜古能文章前明天啟舉人崇禎十三年歷城知縣屬韓邑志取劉勅舊編更正補綴成十六卷時

濟南府志

卷五十三

人物九
國朝 歷城

二

以爲佳史順治二年登進士授臨川知縣值歲祲發廩賑饑所活甚眾大府課吏例視催科定殿最承宗曰此豈有司博上考時耶停徵數月民甚賴之立香楠社課諸生多知名士侍讀李來泰其一也五年冬贛鎮金聲桓爲逆攻撫州甫策防禦而守將已應賊城破被執逼授僞官不屈賊怒繫於獄仰天歎曰得死所矣至夜自盡時十月初七日也年四十七弟承祧焚其尸

葉承祧字奕紹承宗之弟少補諸生有志略順治四年從兄承宗之臨川明年冬金聲桓來攻兄令暫歸避之承祧曰弟去誰左右吾兄者承宗死火其尸而匿井中賊索之急乃夜墜城奔告征南大將軍固山額正譚爾泰嘉其義勇奏授興安知縣萬山叢薄多虎患爲文驅之虎皆匿跡遺黎寥寥多方招徠給牛種

減徭役數月流亡漸復會議屯田撫按薦其能以同知任湖東
三府屯務一年有成效著屯政條議一書貴溪南有湖亘千里
盜據爲藪躬往諭以禍福雍髮投誠者三千人餘黨悉平十五
年補平陽府同知嚴保甲議陟政能聲甚著康熙元年擢西安
府知府與屬吏約無軌法無生事凡讞牘皆手定姦胥計無所
施關中書院時方革制義課士用策論講求根柢之學五年
舉鄉試十六人旋舉禮部者七以勞致疾六年九月卒官年五
十八部民哀之至輟春罷市云

柴自新字鼎臣濟南人以署守備防駐延平府時將樂賊吳賽娘
聚眾踞寨單騎往諭以禍福於小樓上置酒結誓擒其將傾於
樓下至二更拔刀斬其首以衣裹之下樓突圍出賊黨遂遁

濟南府志

卷五十三

人物九

國朝

歷城

三

孫光祀字湖玉號祚庭其先平陰人光祀通籍後始遷歷城順治
十二年進士改庶吉士明年授禮科給事中上疏陳慎銓選核
鎮將覈贖銀剔衙臺禁濫徵酌科議六事皆中利弊部議允行
歷刑兵戶吏四科都給事中六年中疏凡二十餘上悉奉褒嘉
典試湖廣取士百六十人而捷南官者六十四得士稱最盛遷
太常寺少卿假歸康熙元年補四譯館少卿修葺館署考校譯
字生四十人請復舊制兼翰林職著爲令館中勒石紀德轉右
通政使晉太常寺卿甫三日會天壇有牧馬者查取職名或謂
光祀可勿預光祀曰居其職敢諉其過乎遂列名罰俸其年遷
通政使擢兵部右侍郎吳逆告變密疏請誅其子以杜內患三
藩克靖中樞有力焉京察自陳乞休回籍年八十五卒子叔諧

舉人中書次叙詒次叙詢鴻臚寺丞

孫叔詒字燕叔光祀次子康熙二十六年舉人選渠縣知縣經兵
洞徹又早不雨禱於城隍廟立應七年擢兵部主事以勤慎授
刑部主事遷山西司員外郎署河南浙江等七司兼理秋審剖
判如流假歸久之再補刑部四川司員外郎充順天鄉試同考
官遷戶部陝西司郎中爲侍郎遂益張公所器異以刑部舊事
罷

朱美先字少川其先高唐州人美先明季始遷歷城以義行重於
鄉有盜劫其僕旣而知爲美先物皆還之子昌祚順治初入軍
籍宏祚居歷城遂爲縣之巨族

朱昌祚字雲門美先子少穎異年甫十餘歲從軍以北及扈

濟南府志

卷五十三

人物九

國朝 歷城

四

世祖入關才著中外官宗卿數載

特簡浙江巡撫時浙東西土寇未靖昌祚撫勦悉當機宜兩浙皆平未
幾杭紹白寧等處災荒疊告昌祚疏請賑饑浙民賴以全活者
數十萬又清查積遺條晰律例酌定兵餉在任三載旋遷閩督
未之任再遷直隸河南山東總督值母喪請終制不允乃以墨
經視事剔奸釐弊以疏諫八旂圉地事逆輔臣意輒置之法康
熙九年

聖祖惻念其冤

特加追卹 賜葬祭諡勤愍蔭一子四品京秩

朱宏祚字徽陰美先次子年十九舉順治五年鄉試又二十二年

始受肝胎知縣廉勤自飭革雜派千金俗好訟輕生爲揭律通

衢訟以衰止歲旱賑濟有法鄰封就食者盈萬時蝻生遍野倏有羣蝗過境蝻皆附翼飛去舉治行卓異行取授刑部主事遷員外兵部郎中出爲天津道按察司僉事遷直隸布政司參議畿輔故不設布政按察二司以守巡二道分領錢穀刑名權埒藩臬又二年巡撫廣東過庾嶺除役夫之繁者廣東自用兵來無藝之征浮於正供悉罷之鹽法爲奸人害竈莫敢譙訶之條八疏入告衛所屯田畝徵米三斗三升請依民田徵八升皆允行臨高澄邁吳川諸縣兵燹後積逋累萬皆請蠲賦流亡漸復陽山阜商被盜擒獲黎王璣等三十餘人置大辟訊得其情獲末減逆藩平後奸民告訐無已上疏請下部定議不允其告者治以妄首之罪三十一年遷浙閩總督時歲祲有司議使富

濟南府志

卷五十三

人物九
國朝 歷城

五

民捐賑幾致變嚴禁之臺灣初入版籍禁鴉弁侵擾會廣東巡撫與巡鹽御史相訐奏宏祚承

命往勘又命往江南視太湖水利皆異數也三十三年大計以疏內有

地瘠民餓四字不稱免歸三十九年承

命分修河南河工勞瘁致疾遂卒於淮南之高良牖年七十一子細絳

綱纘籍

朱絳字子垣宏祚子由高唐諸生援例授刑部郎中出爲永州知

府清慎自矢吏民畏而懷之內艱服除補銅仁大計卓異擢廣

東肇高廉羅道副使廣東爲宏祚秉鉞地父老猶感其德聞絳

至皆迎拜絳訪利弊捕巨寇境內肅然雍正元年遷廣東按察

使又遷布政使以病歸又八年卒

朱綱字子聰宏祚子年十三補高唐諸生以贊授兵部主事遷職方員外刑部郎中有婦爲強暴所殺累訊不得其人綱馳至婦死所曰汝烈婦也精爽當不沒勿使殺汝者得逸覆審遂得殺者其衣已澣無左證綱曰日中視之必有血痕驗之果然暴伏法而婦得旌表監督富新倉綜覈有法總督倉場施薦之遷天津道副使康熙五十四年靜海諸縣蝗綱虔禱於神一夕蝗盡去六十年遷河南按察使多所平反雍正元年遷湖北按察使時河南旱荒綱方監賑衛輝彰德懷慶歸德四府巡撫奏留事歲而後之任及抵湖北三月卽調湖南清欺隱之弊又頒六條示屬吏大畧崇節儉慎用人往來洞庭湖目擊覆舟之慘造救生船十餘分直琴棋望銅盆湖九馬嘴布袋口諸險地五年晉

濟南府志

卷五十三

人物九

國朝

歷城

六

雲南巡撫時西藏用兵鉤稽隱漏以儲糧糈叢弊一清調福建六年六月受事福安洋盜橫虐縣獲其黨而遣其魁遣弁兵立擒之俄卒官年五十五加兵部尙書銜謚勤恪

朱綵字萊禔綱從弟康熙十二年進士授內閣中書舍人遷刑部主事歷員外郎中三十七年擢鄖陽知府多善政附郭武陽堰爲洪水所壞塌囊金督修未匝歲堰成民賴之四十八年自春徂夏霖雨六十餘日鄰境閉糴議借存倉均貯米未經上請遂出以賑全活無算年七十三卒於官士民請祀名宦

朱細字子青宏祚子有雋才經史無不研究尤致力聲詩被父命至都下未嘗遊貴者之門築室章邱之明水曰橡村饒水竹之勝四方名士賜詠無虛日援例候選主事卒年三十八子崇勳

字彞存由諸生貢成均作詩與淄川張元齊名

朱濤字義俶宏祚從子歲貢生事寡母以孝聞選邱縣訓導有吏才爲上官所器念母老請養歸康熙四十三年大饑倡設粥廠於南郊多所全活子令昭

朱令昭字次公繹之子數歲知聲偶爲詩自闕生奧往往似李賀倡柳莊社與淄川張元膠州高鳳翰義烏方起英輩爲忘形交書法宗唐人左右手皆能爲畫性通脫嘗囊數千金遊吳下鄉人有爲福建大吏者招邀贈遺無所受曰吾此來爲噉荔枝江瑤柱無意作茂陵劉郎也由監生捐授州同職卒年四十一

朱懷樸字素存弱冠食餼好結交修文酒之會日課一詩雖有事不廢巡撫李樹德與酬和病中成桐社詩百首慷慨好義士大

濟南府志

卷五十三

人物九

國朝

歷城

七

夫及緇黃之徒無不知朱公子者詩清麗有山民集

朱曾傳字式魯懷樸孫出嗣溫州知府燕翳冠補諸生試輒冠其偶好爲詩尤愛李賀溫庭筠時慕倣之樂源山長傳玉露桑調元皆謂其一時無匹乾隆二十一年舉鄉試病檢篋中詩讀輒焚之卒年四十五

朱瑀字介亭監生性坦白羣推長者千佛山北向有白石塔二爲浙紹鄉人義冢歷城久無甲榜乾隆乙卯鄉舉亦脫論者謂此塔有妨文運瑀倡義移於星宿廟南是年會試中式二人嗣後文運滋盛書法歐虞時爭愛之

朱昭字曉村號齊右鄉人載陳次子也勤恪公長子崇謙三品蔭生未仕卒照出嗣不利其產性耽山水善詩畫喜遊邊弱冠攻

書史壯遊直隸江浙山西南因作河圖悉從閩形勢中來襟懷浩落晚嘗咏杏云老夫肝腑異恒流杏帶微酸氣味投八十年來好牙齒一生自不皺眉頭八十三歲卒者有水道考曉村老人筆記子三人凝台凝庚凝軫

徐天平歷城人任溫州鎮標左營千總闖逆犯浙隨師進勦康熙十五年二月十七日與賊戰於溫州大西山被創死廕一子衛千總

李重富字肖華歷城顯峪莊人康熙二十一年從征福建耿逆屢有戰功一夜合營皆寢聞遠處有人馬行聲急趨櫬手帳前呼起燃礮合營皆起果有賊至遂獲大勝耿逆平主帥保奏授江南京口右路水師右營遊擊左都督銜陞廣東督標左營叅將告終養准以原品歸

濟南府志

卷五十三

人物九

國朝

歷城

八

龍門副將三十六年調廣州城守副將署理總兵事五十一年

鄭續善字元長其先由濟南徙京師世襲千戶終明之世不絕續

善以京營官生授索剌關都司僉書遷蘄鎮松棚路遊擊順治十三年爲山東撫標右營叅將慨然曰此吾先人桑梓地也因家焉爲甘肅鎮永昌叅將永昌山槎水駛田皆磽确地當孔道軍民疲於奔命喟然思振起之撫恤瑩卒甘苦與共折節下士勸蠲輸以活流亡曩歲黃台吉別部跳梁犯塞以恩信招徠威聽約束相戒不敢犯金川又爲山西汾州營叅將皆有勞績以病歸好文翰著有金川集永昌爲立去思碑

張現字槐亭歷城北鄙人少好武有識畧康熙十三年以材勇受

知於撫軍授把總職十六年閩藩告變是時海逆鄭成功子經竊據臺灣遣將入寇玉洲諸堡擊敗援兵於江東橋遂取平和漳泉勢甚張十七年徵兵山東現隨昭武將軍進勦十八年海賊數十萬分屯灣頭等地列寨亘三百餘里大軍進勦現爲督陣連戰皆捷以優等議敘十九年賊屯烏嶼橋海倉等處現焚其船攻克陳洲獅子山觀音山灣腰樹石馬洲大塘寨諸地身經數十戰破漸山等十九寨海澄縣孤懸海上提軍段應舉被賊引海水覆其軍遂爲賊巢我軍進擣現乘桴深入殲擒殆盡海澄旣復又隨將軍取金門廈門凱旋以功授部劄守備二十一年授左都督帶餘功五次管四川夔州協標左營遊擊事二十九年轉雲南城守營叅將三十六年陞湖廣寶慶協副將皆帶餘功如故嗣奉

濟南府志

卷五十三

人物九

國朝 歷城

九

特簡鑽算總兵官未之任卒廕一子極光京府治中

按現所征者乃海逆鄭成功非閩藩耿精忠也舊志誤今改

正

張奎光字燦如現之子篤行誼敦孝友精岐黃合藥餌施粥飯濟世活人篤於名節有大僚因病愈酬以八百金後望誤返其所贈中丞晚年得子患奇症投劑而愈欲酬以科名正辭謝之且使其家人勿就試乾隆庚寅春

高宗純皇帝東巡奎光年九十率兒孫曾元迎道左奉

上諭本日接駕之主簿張奎光年躋九秩五世一堂式彰壽宇嘉瑞加

恩賞給上用緞一疋龍頭杖一支子綏孫良弼良玉

張良弼奎光孫慷慨好施鄉里稱長者嘉慶元年

太上皇宴千叟於

皇極殿良弼與焉蒙

恩賞給玉搬指一具朝珠一掛荷包一對紅緞一疋黃綾一疋

御製詩一軸

張良玉良弼弟例授直隸州同事父母以孝聞篤於骨肉德及鄉

黨長兄三子有困者月餼之疎族之人量予資功城東有田百

畝每歲柴粟入場四散分給惟恐不周奉和善人家

也春貴字培元本姓也蓋也先之裔曾祖雷祖崇禮父維字生子

五人長春榮次春旺次春貴康熙十六年海逆鄭成功擾福建

陷漳泉諸府州十七年春貴由行伍從大軍進勦攻破漸山等

濟南府志

卷五十三

人物九

國朝

歷城

十

十九寨復海澄取兩島所向克捷多立奇功二十一年引

見蒙

賜今姓授左都督帶餘功五次管福建詔安營遊擊事歷陝西漢鳳營

叅將浙江瑞安營副將管總兵事五十七年年七十一卒官祭

葬如例子承聖承盛

也承聖字希菴號竹軒春貴子生員由廕生歷官奉天府治中遷

錦州府知府入爲戶部湖廣司郎中以事降澤州府同知解馬

甘肅時川陝總督奏請能吏治軍需者調涼州府同知遷知府

乾隆六年以病歸累官知府皆有頌聲子應文北城兵馬司正

指揮應武浙江秀水縣典史陞縣丞

也承盛字祈如春貴子由山東撫標馬兵授把總歷千總雍正二

年保送授藍翎侍衛出爲四川成都營守備七年遷建昌鎮中營遊擊卒官

按閩省之役歷下隨征立功者縣志僅得張現也春貴陳有功三人選舉表又有王趙玉熊成秀餘皆無考若春貴傳云從征福建耿逆攻澎湖十八寨者誤矣澎湖孤懸海外屬於臺灣爲鄭成功竊據春貴所克者乃閩疆十九寨且與張現傳及陳有功碑陰自述皆符蓋耿精忠與鄭成功同時叛逆二三年精忠卽滅成功子經又隔三四年爲福督姚啟聖所滅而臺灣始內屬矣春貴此役與耿逆無涉亦非澎湖十八寨也

陳有功歷城人父鳳茂山東撫標千總有功由行伍康熙十八年

濟南府志

卷五十三

人物九

國朝 歷城

十一

從征閩寇戮力行閒者三年念族兄國興年老以所得劄付贈之國興得授武清遊擊有功歸仍以行伍隸撫標又隸登鎮爲總兵岳昇龍所器三十二年授萊州營把總擢德州千總以解囚道逸視職會昇龍由天津鎮征噶爾丹奏請有功自隨從大軍至四十一臺凱旋昇龍遷四川總督有功隨往三十六年授松潘把總歷千總遷龍安營守備奉檄征打箭爐奮勇爭先率兵由張谷塞赴瀘水西取大岡數戰皆捷四十一年遷永寧協標右營遊擊擢山西偏關叅將未行連遷浙江樂清副將福建汀州鎮總兵官三月三遷感奮立碑自述生平不欺人歷險阻不變節雍正五年卒贈都督同知子玉琦福建千總次玉琳重慶副將次玉衡汀州千總次玉璧

陳王鑿有功子以父廢除貴州遵義知府古梁州地四境多山地瘠民貧負逋多至數十年王鑿沁任剔奸釐弊百廢具興凡不便於民者悉罷之行阡陌諭父老教以種植出己資覓蠶種置織具數歲之間教化大行遂名其所織紬曰陳公繭遵人用是富饒甲於他郡仕至貴州道卒郡人感其德爲立專祠祀之

戴璠字彥若其先蓋州人世爲武職父聖聰官江南副使居濟寧璠遷歷城康熙八年舉順天鄉試十五年成進士以親老不謁選久之授太常博士遷兵科給事中旋掌工科印上疏陳馬政屯田切中利弊皆報可二十五年典河南鄉試號得人丁內外艱服除補原官稽察寶源局兩掌登聞鼓遷奉天府丞督學政擢通政司右叅議俄遷太僕寺卿以老予告五十八年卒年八

濟南府志

卷五十三

人物九
國朝 歷城

三

十

張世祺字肇祥其先河閒人明成化閒徙濟南六傳至世祺舉康

熙十一年鄉試選蓬溪知縣徵糧舊有浮費豁除之爲勒石紀

其事三十八年分校四川鄉試所取牛知名士四十一年大軍

征打箭鑪繳收散軍糧備歷險峻以勞績著事平行取工部營

繕司主事有藩邸下鈞帖取修垣繩銀三百五十兩立駁之止

予十五兩管寶源局督修琉璃河有功遷都水司員外郎四十

八年考選授掌山西道監察御史巡視南城上疏言刑官於重

案不能速行審擬聞現收刑部獄者多至一千三百七十餘人

地狹不能臥皆排立今當溽暑不能保無疫癘請飭速爲清理

報可得釋者數百人五十年轉江南道歷山東陝西河南諸道

掌登聞鼓疏劾福建督撫范時崇以福建解到盜二十二入惟
五人實經審訊餘十五人有在獄從未訊者有縣府雖審而院
司未訊者亦有拷至六七次未承者虛懸定罪其草菅人命尙
忍言哉乞令法司同鞫若臣言不虛則將諸臣下吏治罪疏上
得釋者十餘人遷通政司右參議年七十致政歸又十年卒
杜溥字魯菴歷城人康熙三十二年援例授襄城知縣儒學遭闖
寇盡圯捐俸重修又勸募撤舊城而新之歲旱請於上開廩賑
濟東南境多盜捕其魁置於理餘悉散去時移陝西兵鎮荆襄
溥衝風雪僕僕郊原供億無缺而民不知擾汝水自南門外通
江淮商賈往來民收其利後沙壅水淺舟不得行溥復鑿通之
黃河去襄城三四百里管檄夫修築力陳疾苦民得休息任三
年縣人作歌頌之

濟南府志

卷五十三

人物九

國朝 歷城

三

趙于京字豐原父士通由大興遷歷城于京廉正有幹畧康熙三
十二年由舉人選城武教諭以卓異擢臨潼知縣抵任甫五日
理滯獄囹圄爲空地當孔道官馬或不敷民間舊有貼馬錢盡
革之任佑中者縣巨猾也構訟抗官養健兒爲爪牙前官莫可
誰何于京圍其家擒黨與十數人佑中遁率卒捕之置於法渭
水沒田萬餘畝逋賦累千金代輸之而去其籍遷綏德州知州
臨潼老幼提挈送者盈街巷多至泣下四十一年至綏德有飭
報墾田起租之檄他州縣率多報以邀功于京獨默然若無事
吏請至再三叱曰國家太平六十年尙有未墾地乎且延綏傍
山多沙磧雨少不繼則成石田乃增稅以困吾民耶竟無所報

四十二年授河南知府數月丁母憂無以治喪巡撫徐潮賻之乃歸會潮入覲

上問豫省循吏以于京對因奪情復任乞假營葬畢始行洛陽南村有雕木爲佛像者藏機於內使耳目手足皆動謂之活佛惑愚民爲姦利焚其像而杖之盧氏山有礦洞四方無賴子鳩眾擅開選能吏協營弁率眾焚其巢決山渠水以灌洞事乃定宜陽民喬宗仁飾博具誘人財無以償有致之死者于京立斃之作新建倉奉

命勘

三門議貯漕糧事宜于京上議當預籌者三事上官採其議貯穀得無悞四十五年商維賊萬餘據山連盧氏閿鄉界郡城戒嚴懷鎮閭公率精甲五百來會乃偵訪通賊要路分守三十餘所

濟南府志

卷五十三

人物九

國朝

歷城

古

賊知有備不敢犯境會大雪喜曰賊降矣或請其故曰山中無宿糧所恃以苟延者唯刳遠村當此嚴寒能荷戈履水行乎後五日得潼關檄果如所料守河南前後凡四年遷蘇州知府疾作未之任卒年五十六

高經世字孟遠歷城人康熙三十一年由歲貢任諸城訓導歷金鄉訓導四十三年奉檄賑蒙陰沂水二縣民蒙惠胥吏無所侵蝕越數歲民爲製衣帽送至家以老歸年九十餘卒

張維垣歷城人選貢生由八旗官學教習洊陞任工部虞衡司員

外郎左遷山西澤州知州恩威並施一時有神君之頌值省旅自州途假道民間騷動殫精部署一切芻茭之費皆取給於官不派民一錢民感其德洊歷湖南衡州知府衡水兵備道子光

祖

張光祖維垣子康熙三十八年知萬州揭先勞二字於退食齋徵收錢糧立分限期期民不擾而鮮逋賦州多陂塘洪口陂爲利最大光祖嚴疏濬潤田數千頃歲凶無憂祀名宦

余肇松字茂嘉其父自會稽遷歷城康熙五十四年肇松由監生援例官太倉州知州逐奸胥獲巨盜政聲大著開覺寺僧結豪右淫夏家婦女鄉民無敢忤者肇松佯不問一日誘至署杖殺之士民歡呼好事爲作蓮花報傳奇流播江南北二年以疾歸王萃字秋史號蓼谷其先靈山衛人父鉞官江南上元後衛守備始徙歷城萃性孝好讀書負才落拓補諸生德州田雯過歷下見其詩物色之稱於巡撫張鵬延見講布衣之好顧終以坎壈

濟南府志

卷五十三

人物九

國朝 歷城

五

而詩益骯髒有奇氣所居草堂爲明大學士殷士儋別業在望水泉上頗擅水樹之勝吟哦其閒有黃葉林閒自著書句新城王士禎絕愛之呼爲王黃葉康熙四十五年成進士例當作縣令以母老就成山衛教授成山近海僻陋萃載書往集諸生晨夕講論人始知學歲餘以道險難迎養投牒歸白頭待母孺慕若少時人尤加敬焉

遂選字萬青其先章邱人自莆田知縣甲遷歷城四傳至選聰敏有智畧由長清諸生拔入成均廷試第一補八旗教習康熙四十二年

車駕東巡選獻賦

命直南書房兼恒親王講官時

世宗在藩邸書賜慈闈燕喜額爲其母壽充佩文韻府纂修官書成授
上高知縣五十三年入外簾經題稍僻士鼎沸監臨官計無所
出選細爲解釋乃帖然閱卷決文字中否揭榜皆如其言以卓
異遷霸州知州選因畿甸多水患日考諸河源流及其道之通
塞隄防之修廢圖藏笥中及雍正四年開水利營田府怡賢親
王主其事以選諳水道奏請離任專理河工所繪圖經進蒙
嘉書夜經畫以勞績擢保定同知因分賠上高倉穀去官乾隆
八年年七十八卒子天鷹以貢授安州州判遷祁州州同

鍾輓字德輿其先宛平人父性樸字文子官山東提學副使新城
王士禎德州蕭惟豫田雯皆所首拔士改松潘兵備僉事道復
爲山東叅議愛濟南山水因築室金線泉家焉輓承家學砥行

濟南府志

卷五十三

人物九
國朝 歷城

六

好義年十七父歿家計蕭然重趂走千里啟祖父母柩同管葬
聞者難之由拔貢授泗水教諭釐正文體多士翕然向風以疾
歸年三十五卒子朝鼎孫勳

鍾轅字聖輿輓弟事母趙有孝聲兄沒善撫其孤學詩於新城王
士禎由拔貢考充鑲藍旗教習授桂平縣知縣地屬苗疆化導
有方獠民帖服康熙四十九年卒官

鍾勳輓之孫恢廓多大志篤於門內仰事盡色養又爲寡嫂王氏
請旌著於邑乘慷慨好義居仙台里每以一言息鄉人口角數
十年無訟於官者修橋道祠宇眾咸服之晚歲究心象象於盈
虛消息之理以人事驗之因自號讀易老人云

楊天奇其先洪洞人天奇遷歷城以武舉仕廣西左江鎮標前營

都司僉書告歸康熙二十八年歲祲出貲設粥廠日餉流亡數百人自十一月至明年二月始罷巡撫佛倫額其門曰樂善不倦二子長璋次瑄

楊璋天奇長子慷慨有父風璋有友五十無子爲聘良家女旣聘女不願金已盡卽焚婚書別爲娶竟生子里中佳子弟貧不能就學者開塾招來之多所成就親屬待以舉火者不可勝數援例授通判職七子大中大勳大凱大鏞大神大崑大立孫男二十一

楊瑄字公璧天奇次子由諸生援例爲中書科舍人改雲南府通判與知府論事不爲屈上官廉其直表署陸涼州知州古夜郎地西連靈益東接羅浮猥蠻不時出掠執其渠魁餘黨遁去州

濟南府志

卷五十三

人物九

國朝

歷城

七

旁有灌田水口久爲鄰封所侵請於上官復之民享其利以終養歸

楊大中字靜菡璋長子雍正二年由貢生保舉授穀城知縣敦教化免民間一切科率衝齋蕭然如寒士其年秋江水暴發高數丈不及城者數武大中朝服禱沉渾中水忽退士民感德爲立碣曰楊公拜水處任一年卒於官縣人爭賻之送其柩以歸

楊大勳字彤一璋次子由貢生教習授虹縣知縣歷任山陽阜寧遷滁州直隸州知州署太平知府事母以孝聞居官澣衣蔬食能甘淡泊嗜書得舊本必補綴鈔寫以爲樂積至數千卷示其子嘉樹曰三十年宦囊盡此矣吾不能效陸賈貽汝橐中金也

著文選音義未竟卒

楊大凱字又蒼璋三子偉軀幹挽強善射雍正元年武進士由

御前侍衛出補温州水師營遊擊改處州中營遊擊歲餘擢潞澤營叅將會準夷逆命遠大將軍備邊北境選良將勁卒從軍大凱以本職應選

召見者十人大凱獨加永固副將銜從出塞常爲先鋒抵鄂爾坤扼虜之衝建受降城董其事尅期而竣賊僞降乘隙襲我軍右師失備將潰大凱時領左師率鐵騎橫擣之賊乃退時兵糧例日給三合餘眾苦飢大凱請增至八合五勺士卒飽騰各營解火藥至軍卒私鬻於路易泥沙臨陣礮不發或譖之曰楊副將所解也大將軍怒呼詰之將徇於軍大凱曰某有標記請驗之大凱所解藥獨良和布多之役夫大霧咫尺莫辨度敵已近發礮一濟南府志

卷五十三

人物九

國朝 歷城

六

擊遂進破其眾降之凱旋論功第一擢益夏鎮掛印總兵官以地震免卒於家

楊大紳字宜書璋第五子府學生雍正七年由保舉發雲南以州判試用委城烏蒙竣工值裸叛又委署宜良督軍糧餉皆及時裸平委留養難民招徠安輯全活甚眾授巧家營經歷遷昆明知縣其地金汁銀汁二河歲久淤塞請挑濬以利民運銅北上道聞母喪歸服除補銅山銅山江左劇邑黃河繞城而下連歲蝗旱請緩征以甦民困卒工所

楊大立字華如璋第七子年十六舉康熙五十九年武鄉試第一明年以第二人及第選

御前侍衛雍正元年遷

乾清門頭等侍衛二年授廣東提標中營叅將仍帶花翎陞四川
化林協副將六年加總兵銜隨吏部尙書查郎阿征西藏阿爾
布巴等踰雪山渡瀘水深入賊地有功事平駐防秦孟建城十
一年隨定邊大將軍平郡王勦準噶爾乾隆元年授直隸督標
中營副將歷張家口金華協副將遷江西南昌鎮總兵官所轄
江山險峻條奏防汛數事皆允行十五年因巡邊染瘴氣告歸
十六年病痊授陝西河州鎮掛印總兵官鎮西連番地袁延數
千里回部雜處所理三營諸將多草菅番命奏免遊擊都司各
一人鞭守備千總數人諸將始戢值伊犁用兵羽檄旁午日夜
靡定疾復作十九年三月卒於軍年五十四祭葬如例

高山字居東歷城人雍正元年進士改庶吉士授編修歷御史給

濟南府志

卷五十三

人物九
國朝 歷城

九

事中出巡臺灣有惠政考滿當代遇番變設備捍禦獲賊千餘
人賊偵知阻海無援仍糾眾圍城不解者數日忽有二三千人
持棍奮擊賊少卻山以兵繼之大捷詢其人乃民間變急赴救
者山更宣布

朝廷威德皆投誠歷按察使遷福建布政使以劾免弟對

高崱字龍門山之弟由諸生保舉授隴西縣丞遷浮山知縣張某
誣人爲盜云於月下識其人對察其冤張不服乃於望夜張燈
雜跪其人於庭使張認之良久不能辨冤乃雪曲陽馬氏婦控
項成王二等輪奸獄已上巡撫察有冤色俾對覆勘對至奸所
見鄰舍鱗次詰曰豈有貞女拒奸大聲疾呼而人無救者馬語
塞乃吐實所私詹某與項等有隙教之控也所活成等十三人

調大同值歲饑前令未報積尸滿野三請發粟賑之善折獄人不敢欺以面黑呼鐵面青天終潮州府知府

李治國字亮公世居歷城杏園村康熙五十七年進士授寧都知縣勸輸社倉有法爲一省最巡撫薦發福建以知府用署汀州府值水患減糶民得不飢修復隆江書院士大悅雍正五年補邵武府歷漳州延平二府皆有聲以謫去官留辦銅蕺事授平原知州以母老陳情改鄧州益勤吏事州境刀水嚴陵水汎濫不時請修隄捍禦刀水自新店舖至大孫莊六十三里嚴陵水自上高粱至趙河口六七十里皆親督畚鍤晝夜不懈建同文書院祀范文正公鄧人感德卽其旁爲建生祠乾隆五年請養歸居數歲卒年七十一

濟南府志

卷五十三

人物九
國朝 歷城

三

沈士英字翰宸父維鼎由錢塘遷歷城雍正閒士英以貲授崑山知縣改舞陽嘗杖殺巨盜總督田稱其能調商邱鄉官有虧帑者事甚急士英善爲區處以事鐫一級引

見奏對稱

旨擢刑部主事遷員外郎山東饑命勘事竣以巡撫岳濬薦遷河南司

郎中年五十一卒官

黃曾字省齋歷城人弱冠由捐貢授金鄉訓導善教士雍正四年改選發河南以知縣用補光山歷福建之福安海澄連江漳浦諸縣所至興教化察疾苦勸開墾民賴以殷足漳浦俗輕生好鬪感其誠惡習頓革丁母憂歸服闋乾隆十九年舉鄉飲大賓

卒年七十一

曾尙增字謙益宗聖六十六代孫其先嘉祥人後遷於歷城之鑛
村注籍長清敏察世事篤厚無圭角乾隆二年成進士改庶吉
士授蕪湖知縣賑飢無弗遍捕蝗萬頃湖蝗盡而民不擾擢廣
德知州丁內艱補平定丁外艱補郴州三州皆直隸俱有惠政
在平定柳修學宮建義塾勸民墾田廣德民爭河水經三官五
年不結偵知邊訟者挾入同勘兩造村民各數百人來偵聽立
如堵牆勢洶洶尙增以數健卒夾其魁與周視形勢開導之其
魁內媿叩服餘黨散去千總吳某多力而慝得罪捕急登閣上
飛瓦不肯下守備將發兵圍之尙增曰是激變也至閣下數言
吳束手下就理其臨事有識類如此乾隆二十三年冬柳署內
室不戒於火妻張及次女皆焚死遂解組又二年卒於柳之館

濟南府志

卷五十三

人物九
國朝 歷城

三

舍年五十三詩文清婉有穆如堂稿其友袁枚爲作墓表

劉應麟字軒來其父由慈谿遷歷城應麟少補運學諸生有聲士
林乾隆二年進士授壽陽知縣署屯留革里下科率調靈石絕
苞苴嚴條教值歲旱步禱於介之推廟距城五十里將至廟大
雨如澍是秋倍收十三年金川用兵日需馬八十四匹又督治雲
梯皆無誤而民不擾解組日囊囊蕭然民送者多泣下應麟未
仕前授徒齊河馬氏歸仍館其家從遊甚盛晚年終日靜坐三
十二年無病卒年七十五

李翎字良輔其先由洪洞遷歷城五傳至翎弱冠補諸生援例授

戶部員外郎慎於其職簡通州倉器具敝壞役者修整爲累出
資應之事竣遷刑部郎中嘗語同官曰凡成讞苟非實有疑竇

而經駁覆鞫貽累有不忍言者幸勿以平反爲能也移病歸又三年卒兄偉字觀我事繼母以孝聞途遇賈人被盜失百金將自盡偉贈如其數以武舉終

汪婉字仙木號坦齋其先臨清人父錫修始遷歷城年十八補博士弟子員會父歿連居繼母憂迫於家政雍正開援例通籍除松江府糧捕通判郡瀕海俗健訟兼交兌運務捕盜賊政事繁劇恪恭厥職每爲上官器重郡有宦裔與諸生某有隙因糾眾修橋誣以葺舍盜官石訟不解知府周俾婉鞫之親至泖湖周視力爲洵雪生獲全畫士張某素封勢宦誣爲僕婉鞫兩造索其契言已焚叱退之一郡悅服上官委令押運抵通嚴飭旗丁魚貫以進不敢滋擾會同僚有疾兼攝太倉尉適有旗丁與民

濟南府志

卷五十三

人物九

國朝 歷城

三

易錢相諱以未報免官時已推升同知或謂詆理可以牽復婉聞命卽歸乾隆十七年卒年七十一子居敬

汪居敬字寅清號竹亭婉之子少好學蚤知名入郡庠卽食餼鄉試輒不傳生五子皆自教之次第列黌序竝卓犖有聲出爲濮州學正召諸生勤講習敦勸勉日有稽月有課士風丕振乾隆丁酉科年六十矣時次子鏞已官編修誦讀益力教諸子益勤及秋擢經魁四子長齡同榜年譜多門下士賀者盈庭輒泣然出涕曰惜吾先人不及見耳公車北上論文訓詩娓娓不倦後以二子遠宦乃老於家不復進取行年七十而卒長子蒿齡太學生善鍼灸三子昌齡季子旭齡邑廩生皆早卒長孫天衢戊申舉人由教諭洊升睢寧縣尹

汪鏞字東序號芝田居敬次子幼沈敏穎異始入塾讀書日千萬言年十九入運學生員乾隆戊子考取優貢生辛卯中式舉人壬辰會試挑取中正榜以內閣中書用乙未科中式第一甲第二名進士授翰林院編修己亥充廣東鄉試副考官庚子任陝甘學政考試生童才堪造就者不時接見口講指畫不遺餘力尤恤寒畯凡廩生考貢念其跋涉遠來困飭到卽投文考試准貢者堂發貢單卽令回籍出入不過三日三原學古書院肄業諸生數十人每按臨他郡回署卽行月課自遠來附課者獎賞之外並給路費段生三十餘家貧未娶助以貲得娶妻生子焉因坐失察降三級調用旋奉

特旨復還編修原職父艱服闋還京供職嘉慶元年擢湖廣道監察御

濟南府志

卷五十三

人物九
國朝 歷城

三

史歷兵科掌印給事中四年充己未科會試同考官直聲震於時七年巡視東城西城適金鄉有大獄案久未結奉

命刑部侍郎祖之望偕鏞鞫獄得平反在臺諫日彈劾無所避忌八年復奉

命偕刑部侍郎瑚素通阿往直隸審辦交河縣科派夫馬案又往山東

審理德州等處控案擢升通政司叅議嘉慶初年大雨河決直屬被災請因時平糶以濟民食查關口俾商運糧載流通嚴禁私販積囤居奇緩採買倉穀以紓民力陳攤徵河工幫價銀兩之弊及久任督撫大吏無輕更調之法皆切中時事又以刑部案犯牽連人證概行繫獄請分別省釋並鎖收人犯按照情罪定爲一路三路之分以符定例章奏有留中者歸卽焚其草家

人亦莫能知也十二年丁卯復任陝甘學政獎拔人才一如舊
章十三年授大理寺少卿光祿寺卿會大僚以鞫獄山東獲罪
因山東科道未經糾參均降一級調用十四年回京補順天府
丞十八年以年老回籍六年卒年八十四

汪長齡字西庭號學山居敬第四子性孝友極穎悟尤好詩賦入
邑庠食餼乾隆丙申歲

東巡召試

欽取二等四名明年丁酉科鄉試榜發與父同登辛卯成進士授四川
縣令泣涕終日欲弗往父母敦促之乃行既至督憲使爲成都
首邑固辭因補秀山地接苗夷時出爲擾以重法治之民安其
業課士得異才時召至署與爲講肄未幾丁父憂瀕行之日紳

濟南府志

卷五十三

人物九

國朝

歷城

古

耆鄉氓脫鞞勒碑獻萬名衣傘祖筵供張相望於道服闋選授
浙江奉化縣寬柔以教閒假則賦詩蒔花木以自娛歷攝山陰
分水縣篆季弟往依保護之惟恐弗至逾年卒哭之慟遣送歸
葬而迎養生母於署嘉慶辛酉甲子浙江鄉試與房考若胡敬
若沈毓英鄭祖琛皆所取士上憲聞其能調任江山地當浙閩
衝途差務絡繹士俗武盛於文捐俸葺書院增膏火肄業劉挺
朱晉毛宗詩皆捷卓異候陞丁生母夏旋里竭廳營葬服闋選
廣東惠來縣涖任有政聲調番禺縣旋陞萬州牧僻處海外烟
瘴之區前代謫竄之所也梯航南下戊寅秋夜颶風雷雨電火
激射州城官廨屋瓦皆飛捧勅印露立於庭中達旦明年兼攝

陵水縣事感疾卒年七十一

馮秉仁字體元父繼祖自杭州遷歷城秉仁九歲能背誦五經十
四補運學諸生乾隆元年舉鄉試明年第進士改翰林院庶吉
士授編修五年稽察右翼宗學事務六年冬輪進經史講義
召見養心殿問疏中所引典故皆條晰以對

天顏霽悅且爲指示文義所未盡者七年遷侍讀稽宗學如故八年擢
浙江道監察御史歷署陝西山東諸道九年新葺翰林院落成

賜宴十一年瀛臺

賜宴皆與賦栢梁體詩十二年副刑部侍郎錢陳羣典江西鄉試悉心
甄別十三年巡視北城如故折獄精當而出以和平不事刑扑
曲直自判旋以疾卒年三十九

馮應麟秉仁族弟任臨晉縣尉特縣令以催科激變民執刀圍城

濟南府志

卷五十三

人物九

國朝 歷城

五

聲言劫獄自履行撫慰之眾咸帖服擢太谷主簿署縣篆縣多
訟勤聽之案皆結調入省中委辦事案有土豪數人夥首賄在
貢生家歷十餘官訊問寃不得伸隔別審問並訊及貢生家何
屋何物器具諸人所對不一乃大怒曰眾口異辭誣可知矣立
捶之眾遂吐實凡疑難事委之立辨潔清自持以廉明稱陞長
子縣丞歷署徐溝長治潞城沁水長子諸象並有能名以艱歸
遂不出又善方脈鍼法居官居里活人無算卒年七十八

周堂字明廷其先餘姚人後徙歷城曾祖三綱前明操江衝鋒都
司祖楠父元焯縣學生堂少孤而貧祖母馬氏母劉氏艱苦撫
之既長習懋遷業性精敏與里中劉文學祝南馮給諫靜山衛
郡丞荆山游好是時齒俱少有崔懷三者善五行書登萊閒人

讀劉處家小康壽若干馮應早達衛應獲官階不以科名皆不及下壽周壽可五十八晚歲亨家應大裕且有子能振其家聲一時嘻笑未深信越十年馮成進士入詞館未幾劉亦家稍給衛授例官都勻同知堂有子永年已能向學久之家曰饒三黨多賴以舉火而自奉甚儉嘗敝衣履行中衛獨縱子於學凡經史子集洎二氏之書無不力購之一日坐肆閒有若其子博者蹙然曰吾將爲子償輸債奈何堂搔首曰吾亦爲子償書債奈何聞者愕然旣而笑且羨永年名噪齊魯閒亡何馮擢兵科給事中卒於位未幾劉亦卒其壽皆如崔言衛自黔告歸病不起堂歎曰信矣夫崔翁之言也雖然將及余矣頃之果病竟以五十八歲而卒

濟南府志

卷五十三

人物九
國朝 歷城

美

周永年字書昌號林汲山人堂之子有夙慧少長於書無所不窺乾隆三十六年辛卯進士罷歸銓部意不自得出都門乙未以宿望被薦與邵晉涵戴震徵修四庫書授官翰林院編修一時學者稱榮遇四方才畧之士挾策來京師者莫不斐然有天祿石渠勾墳抉索之思而投卷於公卿閒多易其詩賦舉子藝業爲名物考訂與夫聲音文字之標蓋駸駸乎移風俗矣書昌故溫飽積卷殆近十萬不欲自私以藉書名園藉者借也四庫館開旣以夙望被徵與同列者優游寢食其中宋元遺書歲久湮沒畸篇勝簡多見采於明所輯永樂大典時議采綴以還舊觀而館臣多次擇其易爲功者遂謂搜取無遺書昌固執以爭謂其中仍多可錄同列盡舉而委之無閒風雨寒暑目盡九千鉅

冊計卷一萬八千有餘丹鉛標識摘抉編摩於是永新劉氏居
弟公是公非諸集以下又得十有餘家皆前人所未見者咸著
於錄好古之士謂其有功斯文自是不復任載筆矣庚子辛丑
開四庫全書將竣而館閣缺

會特修

之書若開國方畧滿洲源流職官表河源考之屬指不勝屈皆
欲越成以入四庫著錄撰述需人翰林知名者一人常兼數館
又借才外曹若進士舉貢諸生未得官者或借以超資換階紛
然競赴功名之會而書昌皆不得預意泊如也乾隆四十四年
貴州鄉試典試官卒年六十二子震甲

周震甲字東木號朗谷永年子也乾隆庚子科舉人以大挑分發
河南歷任通許尉氏諸縣所莅之地民閒規費盡皆蠲免案無

濟南府志

卷五十三

人物九

國朝 歷城

七

宿牘政聲載道莅太康值荒旱下車十日卽申文請疏濬洪溝
以工代賑又請平糶皆不果乃捐廉俸施賑濟寒士分潤者百
十家閭閻賴以全活者甚眾去任之日士民數千人閉城門不
忍使之去後攝信陽州篆境內舊有紅鬍子教滋事爲害甚烈
捕治殆盡一方安堵有夜不閉戶之風及歸士民攀輪依戀爲
立生祠以追思之事聞加知州銜

申士秀字書升歷城人少孤事母以孝聞母歿舌耕自給居濼口
鎮嘗出遊跨黑衛從小平頭行仄徑中視齷齪者蔑如也補諸
生食儉山東有商學游食之人以重賄啖廩膳生署僞籍書升
獨不受博極羣書詩古文皆足成家而經義尤著盡洗鉛華力
追先正自由阜瀕修來淄川畢公權而外未有見其敵者乾隆

癸未成進士年已五十筮仕時年六十知四川慶符安石泉三縣在官六載清慎如一日蜀人咸能紀其政績戊戌歿於任歸葬趙家莊門人周永年爲作墓表

方起英先世浙江淳安人考授州同知由川塘遷於歷城居仙台北新莊少孤家貧樵蘇奉母長涉經史能詩試不利曰吾遂無濟於人乎乃業醫洞素難諸書之奧貧病無力醫藥者活之無算重然諾急人之急傾囊倒篋無吝色僦屋而居戶屢常滿浙之客於東賴以舉火者數十人歿之日無擔石儲生三子昂其季也

方昂字叔駒一字詒菴號切堂起英季子六歲卽知力學父歿年甫十三奮厲刻苦少長求實用不欲規榮利年十八補博士弟

濟南府志

卷五十三

人物九
國朝 歷城

三

子員乾隆二十七年壬午舉於鄉辛卯捷南宮授刑部主事陞員外郎中前後十九年派辦秋審兼律例管督催所現審巨案遇事不辭勞瘁不避嫌怨時奉

旨以金刃殺人定爲情實秋審冊內驟增至一百八十餘案昂謂同列曰秋審原爲慎重民命本於必死之中求其可生詎得於可生之中求其必死竊恐轉失辟以止辟之心後果奉

聖明指示更正遂將例外加重深刻應更正者條議上之阿文成公多

所取擇焉又以尙德緩刑疏求代奏他獄有疑者爭之堂上或不從守初議不少變仕路以此沈滯亦以此見重俸滿授江西饒州知府五十四年五月莅任地濱蠡湖數被水患下車時方苦旱步禱齋宿於城隍廟遂得雨踰時復旱因念饒州各邑連

年被水茲復旱曠民將不支親具疏籲天願減已算十年爲七邑百姓祈樂歲終年之飽大雨三日乃止嘗曰吏治頽廢皆起於惡勞好逸故曰孳孳不倦凡學宮書院城垣橋梁隨時修葺吏民安其化而樂其成安南阮光平新降以藩王入京道出江西各府均有餽送昂飭所屬不與以是忤大吏意密遣親信四出按所行事已而皆回報曰一清如水撫軍乃大相推重有要案皆俾理之五十五年十二月陞授蘇松道調補遺缺踰年四月德興縣武弁在鄉緝私誤挈滋事時新任饒守已接篆昂具舟將發聞而蹙額曰新守與民情不相諳倘辦理不善奈何請於大府馳往武弁飾詞民變通詳昂至諭以各安本業執首事二十五人至省置於法武弁亦削職德興民建生祠祀之先是

濟南府志

卷五十三

人物九

國朝

歷城

完

兩江制軍以事至江西昂進謁嗔其言詞抗直及至江蘇沈滯者六年有炊烟不繼之憂會撫軍長稔其諳於刑名檄調赴蘇審案三閱月清積案三百餘件以疾歸五十八年仍發江省五十九年署松太道地濱海歉收災被屬邑設粥廠救饑撫卹周至民情遂安多方招徠剷除陋規商舟雲集關稅亦足額六十年六月又署松太值閩廣洋匪竄入江境卽飭赴吳淞一帶防禦洋匪知有備不敢入境昂請嚴北道之防每將弁出洋昂親至海口簡軍實授方畧匪船來偵俟其既過躡其後追之砲石齊發羣匪竄回浙閩籌議善後八條議皆行劉河淤捐貲濬之是年十一月奏補江甯鹽巡道四方輻輳之地民氣驕而好訟昂曰積案累累皆由鬪茸之故設各屬考課簿稽查勤惰分別

勸懲縣民吳金兩姓係戚誼以債事涉訟曉以睦婣任卹之義
卽時罷訟武生周國安親死不能葬欲售舊宅涉訟七年飭上
元縣爲之掄埋給以費其祖宅不得出賣周姓聞之懷德畏威
有親生母首其子拘訊之係獨子反復勸誠之痛哭求責遂以
孝稱每朔望日親至書院講求立心端品有體有要之學名曰
習正錄令呈功課簿以觀其趨向聚寶山有方正學臺每瞻拜
流涕交頤積祿入以葺其祠宇江寧旗民分轄回俗又異諄切
教諭破其意見省城東南居民稠密好善者贖金製積筒以救
火災曰水砲會胥吏訛索稔知其故當堂獎賞羣賴以濟嘉慶
三年七月陞貴州按察使黔省自銅仁紅苗興義狎苗戡定以
來民氣凋殘拊循培養著官箴數十條安插順苗清理絕產整

濟南府志

卷五十三

人物九

國朝

歷城

三

頓驛站各立章程次第詳辦四年八月簡放江蘇布政使下車
體察官吏賢否訪聞小民疾苦錢糧出入必親自稽查公牘往
來必親自脫稿治事恒至夜分不息月餘舊疾復作卸篆調理
後竟不起

毛輝祖字鏡浦歷城人雍正壬子科舉人乾隆乙丑科進士改翰

林院庶吉士授職編修歷福建廣東道御史轉禮科給事中由

鴻臚光祿通政叅議累遷太常寺少卿尚書房行走三十九年

隨扈熱河九月以疾卒於承德年六十六輝祖學醇行粹涵蓄

充溢平居溫溫不形喜怒而正色端議執法不阿屢巡京城宵

小斂迹及巡漕漕摘奸剔弊其使閩也所得多績學之士學政

湖南拔長沙劉文恪公於童子試中世以爲知人

高宗純皇帝簡儒臣入尚書房大學士劉文正公首薦侍學八年方嚮用而中道遽歿被

命賜卹其孫式郇官京卿時承

仁廟清問篤念舊臣久而不忘知其蓋忱受知固已久矣子圻莖塿

毛圻字一亭輝祖子乾隆丙子科舉人大挑一等任山西猗氏令丁父憂去除服起廣東增城令歷調潮陽南海以治行薦升知羅定直隸州未任而卒圻才器練達識治體處大事能斷安人息事常若不及去增城日送者數千人潮陽地大民富風俗囂競豪家殺人輒以賄巧脫其辜圻一切執法鋤治兇慝擢摘主奸遠近震懾泄南海匝月結積積三百通省疑難獄舉以委之平反斷折莫不以爲神番禺海濱有奸民通寇屬吏往捕誣其

濟南府志

卷五十三

人物九
國朝 歷城

三

天朝威德夷人感思出辜人伏法乾隆五十二年粵大旱粟米翔貴圻

鄉大戶遂激變圻往察其情反復開導令獻辜人自贖立解散西洋番舶殺傷民人大府恐爲亂圻扁舟至澳門開示

聞番舶多載米請留買十萬石以平糴民困頓蘇邑試童子皆拔其秀多寒賤凡所識拔後多成就卒之日制軍慟惜百姓泣送者數萬人以子式郇貴累贈資政大夫都察院左副都御史毛莖輝祖第五子乾隆己酉順天舉人品端嗜學尚義氣贈人千金不惜弟焯壬子舉人改歸唐宗劉石菴相國爲作歸宗記

姚作棟字偉臣號雁塔山人歷城人父復華性好施嘗爲仁濟社施捨棺木三十年不衰里黨以善人稱作棟性豪爽遇事能斷入邑庠食餼鄉試七薦不售以歲貢終議論開爽遇疑義輒立

剖舉座爲之傾服居少喪三年不輕言笑四時致祭垂泣至廢飲食乾隆間有人得窖金捐官出其妻匿金數千求爲寄托以婦人無交接禮倘遠出不返金無所歸力辭後果不返居於鄉蒔花種竹日爲書畫其閉有紛爭者排解之乾隆五十八年歲饑爲粥於門以遺饑餓鄰里有不能輸國賦者悉爲完納著有聞見必錄一書紀邑之孝子順孫烈女節婦足爲勸懲者其弟國棟以湖北桑將陣亡聞之曰能如此是吾弟也比樞至一慟而腰折次年卒年六十八

姚國棟字宁臣作棟之弟父復華善騎射以其技教諸子國棟尤精其業年二十中乾隆辛卯科武舉入營投效期滿授靈山衛把總升濟南城守營千總卽墨營守備膠州營都司嘉慶二年

濟南府志

卷五十三

人物九
國朝 歷城

三

湖北教匪亂奉調帶登萊青兵赴軍營隸兩湖總督景伯麾下與賊交仗於荆門州白雲山山勢陡峻賊眾數千官兵以八百相距於山環之下賊鎗礮遽發國棟曰烏合之眾虛憍不足恃也俟其聲緩勢近一鼓直前殺傷甚眾景伯奏列一等升河南南陽鎮遊擊嗣於川匪入楚令率弁兵勦賊於竹溪縣東臨軸山誘賊山坳大破之湖廣總督令由界嶺逐賊出境翌日賊忽來結方陣以待分兩隊擊其首尾率勁卒擣中閒賊大潰追襲數十里餘匪遠竄擢爲行營翼長給功牌派守竹谿關垭以堵川匪任事後浚濠築壘日夜防禦賊數犯不得入四年八月十五日高馬兩賊匪合眾逼卡外率鎗礮進擊賊退乘勝掩殺六十里經畧大臣額奏升湖北興國營參將仍派鎮守關垭六年

閣督部堂書探知賊匪恃眾犯境派撥誥軸山截堵匪逆果於元旦夜焚掠城關率兵迎勦賊匪退避十八日夜復來偷營以鎗礮擊走之二十日賊糾眾目大逼山後梁排列數十重是時兵僅五百人據文昌閣憑欄指揮無不一當百銃礮之聲自辰至未不絕斃賊甚眾城賴以全列一等給功牌授以總理軍務翼長調隨大營勦賊鉅匪許天德復糾餘黨竄入八里坡急回堵禦相持二里許伺賊晨炊直撼其營賊潰追逐一百餘里收兵一碗泉賊眾數千併力反攻縱火焚山營弁曰事急矣奈何國棟曰吾以死報國耳捉刀上馬賊已至前手刃數賊中鎗墜騎賊眾譁然爭指曰得守關堙將官矣賊眾縛以令降裂眦大罵遂被害竹谿紳士朱元璐購其元以殮朝夕奠醊俟其子至

濟南府志

卷五十三

人物九

國朝 歷城

三

始去督部堂書奏其事

賜祭卹賞崇祀昭忠世襲雲騎尉襲次完時以恩騎尉世襲罔替子

文壇襲世職

李士珠字寶巖歷城人補諸生兩試棘圍不售援例選山西興縣值大饑急白於大府放賑且請增額仍不足則取諸家破產以濟之遷高郵州牧未蒞任擢鎮江知府乾隆庚子春

聖駕南巡召見奇其貌以為有滿洲風數邀

恩賞調守江甯遷江南河庫道在官二十餘年所至有實政守京口時

例有救生船凡救得生者一人賞一金舟子多救生者而死者竟不顧捐俸俾救死者與生者等於是人獲全尸嘗修鍾山書院鳳池書院勤與士講習一時文教不振江南北畏威懷德有

廉惠公敏之稱

李士琳字藍圃任河南潯縣潔己奉公凡有便於民者知無不爲西鄙濱衛河秋水漲溢淹沒良田捐貲築長豐陂堤三千丈以障之民賴其利呼爲李公堤縣有甲總之設承催正供里人輸當吏胥因緣爲奸轉報不休知其弊痛裁之以內艱歸縣民泣送者數千人邑有前令鮑公祠後以士琳同祀稱鮑李二公祠李士琛字獻南性穎敏能文尤善書年十一已能作擘窠大書親歿與兄士瑞益友愛捐郡司馬改員外郎任工部虞衡司以清慎著聞兄計遂告歸作別業名基園不忘兄也其書始學王繼學米遺跡人爭購之

李士瑜字荆圃優貢生由內閣中書補刑部郎中治案牘至勤慎

濟南府志

卷五十三

人物九
國朝 歷城

三

務盡哀矜意以期無憾總辦秋審練達明允爲劉文正公所倚重京察列上考以母老思返里解組歸刻痘疹善本以濟世

李士琪字石圃以議叙授茂州吏目蜀邊地甚踔遠初意不就聞有金川之役蜀當軍務之衝毅然曰見難思退非臣子也遂往越三年金川平告歸

衛培鼎字象九號荆山先世由洪洞徙歷城援例入仕官至貴州都勻府分駐八寨清軍理苗同知八寨者苗民相錯號難治鎮之以靜接之以誠怵之以威濟之以惠故訖終任咸就厥理且大得其和黔中多雨倉儲易腐爲崇之而廣其楹易米爲穀卒感其惠舊有義塾棲譙樓上爲闢舍數十楹絃誦有所文教以興山水斗漲苗民田廬在橫流中力加賑卹胥賴以生攝麻哈

州南籠府旦暮將報最以疾去苗民碑諸邪以示不忘

朱琦字景韓歷城人由拔貢充教習乾隆丁卯順天舉人歷任陝西神木江西萬載四川安岳彭縣知縣所至以振興文教培養士氣爲先勞心撫字去後人爭思之

朱璜字蒼佩弱冠補諸生乾隆癸酉舉於鄉選蒙陰教諭接諸生以禮嚴月課勵以實行有以私事干謁者峻卻之四十三年升青州教授整理書院重修學宮士人德之

朱彤字丹亭方髫齡時舉止如成人堂兄景韓異之曰此吾雁行中第一人也未弱冠補諸生旋食饑樂源書院有八駿八傑之目朱氏居三彤其首也乾隆壬午舉人庚子成進士官費縣訓導聞父疾乞假歸待弟瑗始終友愛析箸後復以已田歸之後

濟南府志

卷五十三

人物九

國朝 歷城

五

任曹州府教授卒於官

朱曾武字繩孫乾隆癸卯舉人官廣東開平知縣孝友端方學求實用以敦睦宗族爲急務周恤貧乏告者無不應遇事敢爲以剛直著罷官後肆力典籍無不深究其蘊

朱曾詰字鈍甫乾隆己酉拔貢官宜陽教諭性方嚴爲學矢勿欺持已待人必準諸古誼少壯時讀方望溪說快然曰修己治人之方孰備於是寢饋其中者四十年著有養中之塾學古文宜陽學宮荒蕪卽飭芟艾之曰此非草木園也尤留心於孝義節烈之事舉優生不以賄諸生憚之

崔雲會字萬清歷城人雍正己酉舉人乾隆十四年發安徽以知縣用署廬州通判安慶同知理差務不擾民署蒙城旋補涇縣

民好訟力懲之坐蒙城事降調十八年發江蘇勘山陽安東賑務按戶稽視期於無遺事竣補吳縣丞捐復知縣歷署太平同知廣德州判舒城阜陽諸縣在阜陽捕獲巨盜有能名又署英山裁汰花稅民德之補當塗未之任卒

龔殿安字良佐歷城人偉幹善射乾隆二十一年武鄉試第一選授四川重慶守備三十一年緬夷逆命調蜀中兵從征殿安以材勇應選隨大將軍明瑞摧破緬寨十六所留鎮木邦緬匪大至圍城急援兵不至叅贊大臣珠魯訥死之殿安馳馬陷陣力戰中砲而死

詔卹其家祭葬如例廕一子祀昭忠祠

胥泗起字鳳喈歷城人祖得時以善人稱父世英候選從八品生

濟南府志

卷五十三

人物九

國朝

歷城

美

子四人泗起最少與諸兄嬉戲輒作拳勇擊撞之術弱冠應童試不售益肆力騎射丁父艱服闋應募入伍隸撫標右營以技勇名一時乾隆三十九年撫軍徐選爲戰兵往勦臨清王倫至則先登殺其副賊擒其餘黨數十人爲首功五十年補外委五十八年由千總授卽墨守備嘉慶二年川楚教匪滋事河南徵兵奉檄帶兵二百五十人往豫撫景用爲前鋒及總兩湖命與俱三年春賊匪張漢潮於鍾祥之白雲山黨數萬鋒甚銳副將海圖遊擊揆明爲賊分圍於兩山間撫軍命率兵千餘追擊賊大敗突圍救海揆二員出湖督入奏奉

旨賞戴花翎又戰於房縣之八道河勝家坡化石岡以功陞山東膠州

都司四年春敗賊張大倫於竹溪之九里岡轉戰四日追殺至

竹山之吉陽關夏又敗賊辛聰等於房縣之化龍堰油房嶺歇馬河馬蘭坪陞河南南陽鎮遊擊五年夏從追賊於石唐河黃龍堰鷄鳴山石花街蚬蟬溪天竺山未三月二十餘戰賊匪氣奪秋九月率麾下三十餘人夜出巡徼過獅子岩賊百餘人猝至令左右張兩翼先射其渠長墮擒之眾潰復追擒十三人又於大小雙坪孫家灣邊魚口羅漢坡擊賊賊據山樹柵不出戰泗起夜摸樁殲之生擒徐大用等至是大戰四十七擒賊二百八人殺賊四千五百人冬檄守紅崗山卡賊不敢過者累月七年春升江西吉安營參將仍留紅崗山調任總理兩湖行軍翼長二月從大軍追賊爲前鋒阻大山不利仰攻欲結營以待帥不聽急督戰率兵進至半山路崎嶇木叢雜賊發千人下官軍

濟南府志

卷五十三

人物九
國朝

歷城

七

擊之賊退覘官兵已入險發火器礮石一時俱下軍亂賊兵四面蹙之被數十創墜崖下持兵步戰曰吾起家卒伍位歷三品今死敵爲幸大呼赴賊麾下王義等招救兵至格鬪移時始出眾軍昇至歷一晝夜求棺木殮軍中哭祭者千人總督吳以咨部奉

旨

照陣亡例卹銀五百兩給與雲騎尉世襲襲次完時給與恩騎尉世

襲罔替祀昭忠祠子棠襲世職樸訥有父風

沈佐清字覲光號補堂歷城人父士英河南舞陽令仕至刑部郎中自浙江山陰遷歷城有子六人佐清其仲也幼而沈毅博聞強記動持禮法父歿於官諸弟幼扶柩歸葬母病侍湯藥不少懈補諸生旋食餽乾隆癸酉拔貢選陽信教諭奉委捕蝗知府

黑公力薦因得保題遷河南臨潁知縣釐清積弊吏民畏服潁水暴溢湮沒廬舍捐俸施粥安置災民俾無流離修治隄防仍爲樂土奉委審理舞陽積案父老觀者皆曰此吾故明府沈公子也有感慨泣下者多所平反繫縲幾空調治鹿邑修葺鹿鳴書院延名師給膏火俾肄業焉公餘卽與講論疊疊不倦由是文風翕然時有奸民秦玉樓等左道惑眾捕得首惡數人嚴訊具詳道府疑有疎縱佐清曰此第愚民惑於福佑耳當從末減不則轉相訐告蔓延日多比知其枉而釋之已不堪命乃悉如所議僅誅首惡數人越歲署禹州知州以誑誤歸

姚廷訓字文溪祖士豪以宦遊擇居歷下父應麒生二子廷訓其次也出嗣世父應龍未弱冠補諸生乾隆甲寅舉於鄉嘉慶己

濟南府志

卷五十二

人物九

國朝 歷城

三

未成進士入詞垣辛酉散館改知縣銓博羅以親老告近改選江蘇崑山接壤青浦萑苻藪也下車後廉得其跡卽選幹役授方畧購線密拏羣盜盡得悉置諸法境內肅清良民安堵未幾以憂去崑民扶老攜幼焚香送者數千人歲庚午分發粵東王申攝番禺首邑不辭勞瘁赴博羅任邑多侮嫁賴婚案察其奸爲剖息自曹靜夫一案斷結堂配後是風頓改修葺書院捐添膏火又以登峯在北郊外遠隔長隄三里恐生童冒暑往返維艱乃於長堤種竹兩岸垂矜博之人愛竹比於甘棠云

周官字錫爵歷城人爲長清汛時奉檄從征川楚累建奇勳又委訊營檔多所全活遠近人民無不知者會剿逆匪因病落後投宿土人家見案上設木主題曰周大人之生位呼老翁問故曰

此吾恩主三年前吾及妻女被擄驅作前茅爲官兵所獲周大人力爲解免一家得全誓不敢忘官曰汝識其人否翁曰大人面貌酷似然不敢決官曰卽我是也翁率妻女頓顙及地越日病痊將赴營所翁堅留不已且欲以女奉箕帚叱之曰不義之事非我所爲卽束裝去後爲膠州都司

徐洪歷城人初任恩縣把總後巡拿獲盜

御馬之王三蒙

恩賜臨清汛千總嘉慶十八年從征白蓮教逾數年告退又逢西征之

役其子九齡以把總從征送至郊外曰勿以父老爲憂畏死非吾子也詩洪已七十餘矣

朱實字若虛歷城人原籍宛平爲人多智謀勇力過人挽二十四

濟南府志

卷五十三

人物九

國朝

歷城

三

石弓百發百中技冠一時乾隆庚子鄉試已擬元後易第三名甲辰會試揀選兵部差官分發江蘇以千總補用改補山東高唐營千總嘉慶二年以川楚軍功保升守備積勞成疾而終

李德容字敬齋歷城人乾隆乙酉科舉於鄉丙戌成進士授直隸安肅知縣南北孔道民苦繇役時值金川用師大兵過境止有車十數乘馬數十匹吏請盡繫民車馬以應役不許及兵至見供給不足用相顧大譁德容曰兵出所以救民因救民而反病之吾官可棄病民事不能爲也且爲亦無及眾默然旣而曰此仁厚令也疾行過境旋移疾歸里教授生徒從遊者甚眾著有安蔬草堂詩稿行世

李廷珍字謙思德容嗣子亦官安肅令值滑匪滋事齊豫兩省軍

務路出其境謹凜庭訓支應差役不擾閭閻革除規費三千餘金事皆辦治遂積勞成病卒於官歸櫬之日士民數千人出郊奠送咸謂其父子濟美云

李廷芳字勉思號湘浦德容子補諸生乾隆己酉選入成均初仕司訓日照甲寅舉於鄉膺薦授廣東英德令以親老改授順天香河丁內艱歸再授江蘇靖江邑襟大江舊有五港淤塞既久暑雨暴漲民多水患倡捐廉俸因勢濬疏按田派夫自爲督催不期月而功歲滂則藉港以洩水旱則儲水以溉田民多賴之移劇吳江決疑獄鋤強暴奸豪斂跡建同善堂立義冢以收葬無祀積厝士民感德有郭華野重來之誦立生祠祀之丁外艱去復選英德移澄海所至有政聲卒於官著有清愛堂詩賦抄

濟南府志

卷五十三

人物九
國朝 歷城

早

行世

李進忠字勝功歷城人性至孝以材勇充撫標散官擢安東都司頻攝青州叅將武定壽張遊擊乾隆甲午壽張教匪王倫陷堂邑擾臨清進忠時以守備權青州叅將奉檄率所部勁卒三百人馳往大軍屯臨清北城外馬市街爲南北通衢長數里賊精銳集街西大寧寺以街東汪氏宅爲僞宮雨河之交皆賊窟穴進忠於九月二十三、四日連戰東南二水門殺賊甚眾翌日復破之於二屆賊退保老巢大帥欲聚而殲之因置兵各巷口知南路無險召進忠屬之曰賊壓於大軍將南竄汝遏其途吾以兵助汝進忠曰街道狹兵多無益請捍之以身帥壯而許之及戰賊北與大軍相持進忠率所部襲其南賊分兵抗拒進忠

揮雙刀以先士卒皆奮擊呼聲震動自辰至戌手刃多人麾下斬戮尤多賊欲奪路走頻益兵帥以前言故師不繼進忠奮刀刀折鞭馬馬不前隨棄而徒奪兵再戰力扼其衝賊爲所阻大帥合兵蹙之始各遁藏而身已被重創撲地矣賊乘夜驅牛馬踐藉之心仍了了惟不能言夜分時眾昇以歸刃傷櫛比不可悉計所部僅三十人賊平歸養病愈以前功引

見賜金

晉級時大吏咸知苦戰狀擢都司進忠雖生還常苦頭疼每難髮輒避風經日則痛不可支以壽終年六十三子曉林

李曉林字春山進忠子十六歲爲諸生試輒前列嘉慶庚申鄉試第一戊辰大挑以知縣發安徽攝廬江借補六安州同大僚重其才謂不宜置散地改署青陽縣適歲旱步禱九華山禱畢雨

濟南府志

卷五十三

人物九

國朝

歷城

聖

至遂爲康年前後宰桐城貴池當塗諸縣所至稱循吏其莅宣城也先是有奸吏孫錦以鐵易帑銀數千事敗抵罪銀不可追廉得其寄頓所盡搜出之帑賴以完俗頗好訟聞其名皆屏迹案牘遂稀宰鳳陽平反貞婦被誣事牧無爲州代前官還虧項而不自以爲功又撫卹望江災民勸富戶捐錢穀境無流亡癸未補青陽民聞將至大喜時方被災相慰以仁天復來旣至集士民告之曰請帑賑饑所以甦元元令長一錢冒濫將受神罰矜民胥吏染指者必以法誅之眾畏服支費萬金無遺無濫又勸設豐儲倉保奏議叙日益勤慎有甲乙互控墳山歷引古書指其不可據者十訟解廉使手函勞之曰牧令固非讀書人不勝任也建蓉城書院創典史署官和土勸民益以安兼攝銅陵

次泉號千橋歷城人乾隆辛卯舉人大挑一等分發安

州署合山宣城太平府通判鳳陽府同知鳳陽民風強悍不
逞之徒有紅白號各色科斂行旅嚴行禁止有犯必懲無敢犯
者又多械鬪親往勸諭亦卽解散安撫荆公前任濟東觀察時
已知其名每鄉試卽調簾嘉慶戊午庚申甲子歷充江南同考
官所得士皆著名後補建德與民休息宋梅聖俞曾尹是邑乃
建梅亭於署以誌景仰聞召諸生講論經義故每科多獲售者
乙丑卒於官年五十八

彭雲鶴字甸與號秋浦其先自棗強遷歷城父瑞國學生雲鶴穎
敏絕人九歲能屬文弱冠補諸生爲桑棧甫沈書升所推許教

濟南府志

卷五十三

人物九

國朝 歷城

聖

授於外四方學者翕然稱之文詞敏捷揮毫立就稿多散失有
懷中詩草一卷乾隆己亥舉於鄉越十年己酉成進士其年卒
年五十一子二人長岱齡次崑齡

彭崑齡字西峯雲鶴之子好讀書嘉慶二十三年由廩貢選博山
訓導學宮領祀募紳士重修每日必灑掃殿宇能詩善飲嗜書
得舊本必補輯成帙把卷觴詠以爲樂嘗謂諸生曰此十載宦
囊也以病卒於官

馮方鄴字又李歷城人乾隆庚午科順天舉人歷任直隸永年陝
西洋縣蒲城知縣廉謹自持所至以振興文教培養民俗爲急
務明察善去後人思慕之

楊受廷字咸之號虛谷歷城人乾隆戊申舉人嘉慶丙辰進士父

德亮以業醜負官項被逮受廷長跪運司署門外竟日不起時已領鄉薦矣運司嘉其孝遽釋之及舉進士時已失恃痛母早逝歸哭於主前慟幾絕爲江南如臯令實心愛民勤勞無少暇巨盜兇肆悉捕除之城垣多圯捐廉修之嘗修邑志極詳慎纂至節孝時庭戶咸聞異香自奉甚約而親族貧乏皆周恤之及歸里書卷而外無長物歿後二十餘年同里人冒充幼子遇劫臯邑人爭餽之

蕭廷槐號蔭堂歷城人由行伍任武定營長山汛千總嘉慶元年九月奉派帶兵出師四川征勦賊匪接次打仗三年三月初八日在觀音崖中刀傷陣亡家人扶櫬回里照例卹賞銀一百五十兩給與雲騎尉世職祀昭忠祠嗣子雲龍襲世職仕至山西

濟南府志

卷五十三

人物九

國朝

歷城

望

靈邱路都司

王廣字道南歷城人年未壯卽喪父有以堪輿進者廣曰葬親得免五患子心安矣休咎非所論也兄弟友愛無閒言母喜施予常先意得母歡或有所求無餘蓄必多方稱貸以與之不使母知其匱乏嚴教諸子各自成立歲大饑尤加意收卹戚友死無所歸皆自任之又集同志施榘木置義冢里之貧乏者多賴以葬邑有大營造若學宮橋梁首倡助工無倦暇則檢名方市良藥合劑以濟病者子四人允寬允信允中允輝

王允信字孚尹號褒海廣次子家素溫飽業鹽筴兄允寬任家督早歿家政一歸於信性孝友親無咈志家無廢事兩弟以科名入仕歲輒鳩金分寄之以佐其廉閨門以內尊卑數十人協和

無閒人皆羨其雍睦弟允中乾隆壬子武舉守備江西繼任江
南子福培舉鄉試福田亦中式

王允輝字蘊之號鄰川廣季子嘉慶戊午舉於鄉辛酉成進士官
內閣中書洵升典籍宗人府主事充戊辰會試同考官升禮部
員外郎擢江南道監察御史督理街道性忼爽不屑屑繩墨守
官務盡其職舊例京師商人興土木投牒驗可乃行左右需索
甚夥力除其弊人甚便之廣寧門內溝瀆室塞積潦數里躬詣
列肆勸捐掘地治之己卯升刑科掌印給事中巡天津漕務補
禮科癸未巡視北城畿輔大水民多就食棲流所不能容乃釀
金更闢一區立章程嚴約束醫病者雜市藥物焚之以避瘟氣
其在諫垣也凡有關

濟南府志

卷五十三

人物九
國朝 歷城

四

朝廷大計知無不言如叅步軍統領司員刑傷致斃以慎民命查辦工
部書吏冒銷以重帑項嚴禁順天冒籍以杜倖進特叅刑部堂
官濫保劣員以肅官常詳查黑龍江凱旋官軍攜帶幼童以卹
孤幼皆得施行以疾卒於官

范李字理人歷城人嘉慶戊午優貢由教習授南宮知縣調清苑
痛裁吏弊

聖駕謁陵差役繁峻預爲揭示謂皆官買胥役不得藉口加派以此民
皆安堵而差亦大善上官知其能以卓異薦洵升冀州直隸州
知州未幾卒

林濬源字星浦歷城人父岱勤儉樂善聲稱里黨濬源幼敏悟十
三入庠事母孝母病露禱終夜不寐以拔貢充膳錄選山西定

襄縣書院久廢爲振起之值歲旱帶陽里連村禱雨民眾千餘人省憲委員查保甲煩苛幾致變聞之馳往先至村寺代爲虔禱出撫定之繫其首數人一邑晏然忻州民爭渠致訟數十年不結承檄往訊得其情州民咸悅攝州篆嘗以一輿往來視百姓如家人遷汾陽令民俗刁悍嘗語人曰治悍俗固須重典然政尚嚴肅而心宜仁厚卽被罰者亦深信之邑多盜痛懲之新疆需駝五千州縣分買以恩信貸商鈔先期趨備事竣而民不擾前令多積案日夜研鞫歷六年終不留獄以卓異薦擢汾州府同知卒於官忻定民往弔者道路不絕葬後二年汾邑紳士猶祭其墓

馮全字茶人歷城人嘉慶庚申順天舉人官河南鄆城知縣有冤

濟南府志

卷五十三

人物九

國朝 歷城

墨

獄前官不能決全至一訊卽與昭雪民爲立碑嘉慶十八年滑匪跳梁豫省咸警百計防虞民恃無恐夏亢旱徒步烈日下至黑龍潭祈雨往返七十餘里甘霖立沛蕎麥被霜捐俸賑濟令於隙地種油菜買菜籽給之民得不饑轉歲大豐有麥秀兩歧之瑞在鄆六年以慈母稱

金洪嗣字鵬九號菊圃世居長清金家莊兄弟五人洪嗣以行伍起家籍隸歷城嘉慶二年由卽墨千總從征川陝楚數有戰功四年授直隸昌平守備仍留軍營五年領湖南軍在湖北鍾祥縣班竹鋪與賊對壘三晝夜築長圍攻之七戰皆捷賊潰隨將軍明興在荊門縣天竺山與賊遇五戰追至遠安縣之蔡家灣陽坪賊據山奮勇先登眾隨之手縛賊四人賊潰追奔數十里

上其功加都司銜旋調赴陝西平利縣每戰有殺賊捉生功九月在房縣之上龕夜有賊奄至覺遙射之斃四人餘奔散六年春授湖南永定都司隨提督長齡在竹山房縣追剿賊匪大小二十九戰殺賊多奪獲牲畜無算七年春授湖廣督標左營游擊益自奮勵帶兵至房縣與山督捕餘賊大小十二戰八年隨四川將軍德隆阿剿陳世學餘匪九年赴陝西平利縣剿苟文運餘匪是年八月賊平凱旋始赴游擊任十四年遷湖北提標中軍叅將以捕獲楊九等夥寇功保列一等十七年護理湖北提督道光元年擢授四川夔州協副將隨帶加三級五年署崇慶鎮總兵七年署川北鎮總兵十年年七十四移疾歸洪嗣勇絕倫喜讀書嘗以整暇二字署其室在川楚時奪回被擄男婦

濟南府志

卷五十三

人物九
國朝 歷城

吳

無算知爲縉紳族遣人送歸其家在軍中前後八年身經一百二十餘戰未始被一創者僉以爲救人之報云

李莒歷城人善承父兄志敦行不怠爲名諸生肄業成均授學職歷署福山棲霞堂邑濰縣蒙陰學所至與諸生相勸必先實行後文藝喜立名義温厚無圭角鄉里稱之

朱士信字子田歷城人增貢生嘉慶六年以縣丞試用江蘇適如臯定慧寺僧佔王氏墓田訟累年弗能決士信奉委往勘僧賂之弗受盡發其侵沒狀僧大懼乃羣謀於士信復命啟行時一僧自殺而眾僧鬪集擠士信於河又按而沈之已滅頂矣與夫力救之幸不死終自其事於上官治僧罪而盡返王氏地

楊曉春歷城人道光乙酉科舉人由覺羅教習分發安徽道光十

五年委署懷遠縣因捕蝗出力染病身故巡撫鄧具奏奉

上諭楊曉春着交部議卹以爲公務認真者勸經部議加贈同知銜給與卹銀五十兩祭銀三兩

趙櫬字震祥歷城人前明吏部尙書世卿之曾孫也祖鉉父濬初櫬明諸生弟棕年甫十一崇禎末

大兵入城失去入旗籍順治間授山東巡撫遣人訪櫬弗認迫之急棄宅移居東村棕不得已潛赴曾祖世卿墓泣奠而寢其事或問櫬曰認之是貪爲貴者兄也且封疆大吏未有任父母邦者若使之迴避非其便矣遂終身不入城市以卒

趙恒煜字麗中櫬之子縣諸生負文章盛名誘掖後進至性過人居親喪泣血三年於兄弟友愛最篤析產擇其薄者曾庶祖母

濟南府志

卷五十三

人物九

國朝

歷城

七

劉氏無所出年九十餘侍病晝夜無倦容遇孀嫂皆有恩義爲諸生赴省試遇遺鈔於路者待之畀其人乃去門下士多所成就每當講授正襟危坐見者莫不肅然雍正八年卒年七十一懷晉字麗明其先自齊河徙歷城五世至晉爲諸生年四十八明亡哭辭孔子廟隱山中初居礦村羣盜猝來曰長者在此當送靜地供飲饌夜遁去晚居堰頭鎮受業者甚多鄭子鉉相從最久嘗曰從先生遊邪念之萌皆知自遏布政使張致之不往甚平王曰高巡撫直隸延教子弟半載卽歸設教五十年繼母改適其子爭產不與較友陳某家屬死撫其子至於成立年八十預知死期至期沐浴而卒子世昌

歷城縣志卷五十三 國朝 歷城 七 歷城縣志卷五十三 國朝 歷城 七 歷城縣志卷五十三 國朝 歷城 七

士晉王學博謙亨楊文學士烈張文學東星衰衣大帶矩行
規言所至人皆讓行遊席以爲有盛世長者之風謙亨諸人
事不可考姑附於此

懷世昌字鳳占晉之子性至孝事父不離側父沒葬殯村廬於墓
枕石臥棘日負土築冢高如阜服喪三年復痛母死節又居三
年六年中蔬水必跪薦巡撫以下皆題綽楔表之

邢起龍歷城人親喪廬墓與懷世昌同旌表

李黃裳歷城人親病割股和藥以進病遂愈

錢士賢歷城人割股以孝旌表

王經國字子綽歷城人少孤居喪依古禮以五經試有司學使周
龍甲拔置第一年二十餘卽志洛閩之學以主敬爲宗盛暑衣

濟南府志

卷五十三

人物九
國朝

歷城

哭

冠雖燕居亦終無跛倚丁巳歲試食餼越明年卒年僅三十六
所著詩古文辭其友王萃編爲葭濱遺藁六卷

張泰運歷城人崇禎十一年陳戰守之策於巡撫不用杖四十推
墜城下死而復甦未幾變起城陷後與王萃同輯濟南府志萃
有弔張布衣詩卽泰運也

張世紳字喬臣歷城人性孝母滿氏崇禎十二年城破挈二女投
大明湖死事定世紳哀號數日遇老人語其處一慟幾絕父斗
光爲怨家所中禍不測負之跳而走經年乃返順治初山東多
盜巡撫至率僚屬詣學官釋菜問諸生利弊世紳升堂具言當
興幾何當草幾何辭氣激昂人皆悚聽以諸生食餼入太學十
試不舉從部議授職身沒而檄至人多惜之子大猷

張大猷字允公由歲貢任武城教諭優行生員樹鵬翔以忤當事
申革學使將予杖力爭乃已其年樹中武鄉試後任大嵩衛守
備爲廉吏大猷秩滿遷翰林院典簿子澤永

張澤永字子成十四補諸生旋食餼有文名教授縣南之錦繡川
先是南境深山中無黨塾人皆習爲樵牧不知學澤永至從游
甚多以恩貢終

任立志字正圖歷城人居榆山北積水嘗稼康熙四十三年吏部
考功員外郎魯寶在渤海省災至其村立志請開河瀉水寶柱
相度地形捐俸爲倡而眾不願棄田欲沮其議立志求先墾已
田事乃定河成而卑污皆成膏腴又倡修魯公橋

邢大任字音寵歷城人居邢家窪康熙四十三年吏部員外勘災

濟南府志

卷五十三

人物九

國朝

歷城

吳

大任請開河長十餘里水患乃息鄉人德之

高瑾字方貢其先臨清人自其父遷歷城瑾府學歲貢生嘗請於
學使徐炯爲邊貢李攀龍錄其後人奉祀又贖功臣女孫爲人
婢者爲擇良對

李廷蘭字友馨其先由淄川遷居歷城之龍山鎮家素封其父嘗
代鄉里輸逋賦廷蘭補諸生所居濱武原水康熙三十四年水
漲壞橋以已財成之三十八年鎮訛傳寇至民多奔竄叱曰果
有寇爲汝輩禦之旣而知其訛皆感謝登州孫生赴鄉試貲竭
將歸聞之贈以金試畢資其歸裝孫竟舉於鄉四十三年大饑
出數十年積粟半值以糶貧者不索值年五十四卒

劉伍寬字蒲若號此亭其先觀城人父國恩歲貢遷歷城伍寬少

聰穎年十二日成八藝巡鹽御史劉灝觀風取第一入署讀書
補諸生雍正七年拔入成均爲詩力追眉山敏捷不屬草新城
三士禎子姓赴試俾主其家灝卒京師感知已千里臨其喪著
卹屍集以哀之又走博山乞趙執信志其墓晚年選教諭竟不
就

楊德言字紹聞其先自洪洞徙歷下卜居濼口鎮曾祖世顯祖不
伐生子倫早卒德言父倬字漢超命爲其嗣少精敏初爲文章
出語驚其長老耑理家政約於自奉遂以貴稱里中爲上舍生
候選州司馬教異母弟皆成立列郡庠者二人推產千金資其
生計訓誡諸子以績學爲務子文光

楊文光德言子補諸生屢試不遇循例登仕版得江寧令勤於其

濟南府志

卷五十三

人物九

國朝

歷城

辛

職裁決簿書勾稽金穀供億劬午肆應不窮治以最聞

崔雲輝字倬人號夏峯歷城諸生性孝友學淹博閉門著書人聞
罄歎之聲莫不畏憚祖籍山西自父始居濟雲輝隻身西行啟
三母氏柩來東合葬而占籍焉生平最慎交嘗謂門人曰博雅
者交學問敦篤者交性情交富貴留自己身分交貧賤留他人
地步晚歲益耿介經術深醇道光元年舉孝廉方正不就人益
重之

方世平昂長子聘淄川高氏女以哭母損右目卒娶之從任上海
路遇兩棄兒哺之活其一納監試秋闈不售方伯歿於蘇眾議
贖金使援例登仕版不就在黔時買一婢詰之爲武弁女親族
盜鬻者返之不追其值

賈璇字聯樞歷城人嘉慶己巳歲貢禪心理學深有得於朱陸異同爲紫陽功臣語學者曰得經師易得人師難著尊經堂四書筆記易書詩三傳筆記

朱萬年字鶴齡號春帆先爲棗強人明末百戶進忠由齊東遷歷城五世至鶴齡少時以易經應童子試不遇援例候選府經歷年二十餘失怙撫兩弟成立合爨者四世三十餘年族人無產業者周之貧欠者不責其逋嗣子晚

朱萬慶字遐齡萬年弟年十歲父德榮故事母以孝聞堂前萱草經冬復榮四世同居身任家務數十年如一日兄弟翁翁以博親歡年六十二卒叔兄子實乾隆庚子武魁任高唐千總

張君弼歷城人乾隆甲辰南門內西街火巷狹風猛君弼夫婦以

濟南府志

卷五十三

人物九
國朝 歷城

五

母柩未移不忍出旣而火及與子女四人抱棺悲號時撫標叅軍救火聞哭聲令繩之不肯出俄火烈以爲闔家煨燼及火熄視其屋歸然獨存柩無恙六人皆如故

張奎光字聚五歷城人性至孝父患瘋症侍湯藥四載寢食俱廢父歿哀毀逾常葬祭以禮值歲饑悉以餘財數百千分給貧者事母得歡心母歿水漿不入口者五日終制茹素不入內室篤於宗族睦於鄉里或助嫁娶或給葬埋有將鬻女者月給米養之至其女出嫁始止借人錢鈔無論多寡不索償喜覽書籍手不停披人敬慕之卒年七十五

黃廷柱字棟臣以業醴致素封嘗至德州宿逆旅隔舍有鬻婦以償債者婦與姑相持哭甚哀廷柱聞之卽檢囊中金四十六兩

與之後其子泰寧孫元吉先後登武科名次皆四十六又嘗拾遺金數百坐俟其人而返之年九十謙抑如故每出入必於村外登車下車焉

張鵬飛字天池歷城人性謹厚好濟人困厄親族之無告者時加賙恤堂兄熊飛病歿無嗣窶窶之事一身任之舅氏之嗣生養死葬爲之盡禮遺二女代爲遣嫁葉某因病危泣於途令至己家數日歿代爲營葬里有乞兒韓姓與李氏雇工鬪傷股瀕死令至家調治數月始瘡壽至八十六歲

郭志茂監生歷城南關人母喪廬墓三年乾隆二年建坊旌表母馬氏以節著知縣額其閭曰母貞子孝

尹文浦歷城段店人家貧親老多病棄儒習醫父喜讀爲弟文清

濟南府志

卷五十三

人物九

國朝

歷城

五

延師受讀雖家無升斗不使輟業後入庠自奉儉約而於親衣食必求豐美父艱步履日負外出遊玩自適或用小車輦之父母俱八十餘歲歿嘉慶二十二年張廉訪給以孝行可風匾額宋云鈞字凝西其祖自章邱徙歷城云鈞篤學而數奇年二十七始補諸生康熙五十年鄉試已擬第三人移置副榜五十六年復擬第一而索二三場不得制藝取法高古請業者趾錯於門性簡峻座主陳世倌巡撫山東有役不法將重懲持多金乞爲緩頰却之曰此非讀書人所爲也年八十二卒門人私謚曰文節先生

節先生

張濬哲字天錫歷城人少習舉子業既長博極羣書力探作文之原上自秦漢下逮唐宋諸大家研究殆遍康熙丙申

朝議以表判論取士遂中是科副車益肆力於古文詞積書數萬卷設
迎賓館延接宏博之士一時先達咸以博雅推之年未四十卒
張津字道梁號荷村先世自棗強遷歷城津性坦易讀岐黃書謂
貧而可以濟眾者莫如醫遂精其業延治者土坑敗竈診視必
謹全活甚眾有點次瘟疫方論註釋增益多前人所未發治之
無不效者子京

張京津之子乾隆丙午舉於鄉分發江蘇一署上海再署清浦斷
獄明允有循良聲

楊德亮字寅工號蓮溪歷城庠生以母多病殫心於醫事繼母曲
意承歡嘗言大舜閔子皆能事繼母者也篤於所生何足云孝
父大武病時年已六十將到其股子愛延跪而泣力諫止之

濟南府志

卷五十三

人物九
國朝 歷城

十一

楊岳齡武庠生齷齪失恃父嘉言客死於粵稍長卽隻身赴粵徒
步數千里始達粵東詢諸土人得父柩多方乞貸扶襯以歸
楊於溪字若潭原名唼字東山卓犖重節義博覽羣書與同里程
法乾相友善互相切劘以詩酒爲娛叔兄祥死二子春芳春華
延師教之皆入庠著有景湖漁人詩草三餘堂詩草

陳殿甲字占鼇號蓮峯歷城增廣生以隱居爲樂性嗜酒善畫松
蘭竹梅皆其所長甚愛菊醉後揮灑尤精妙其先世嘗以武藝
傳家教子不盡其藝而止居鄉排難解紛里中大小事皆取決
焉

程法乾字健行歷城庠生性剛直嗜學好古放意於詩酒山水間
夏無葛冬無裘恬如也嘗謂人曰不存聖賢之心不可與讀聖

賢之書凡受業者先以此言告之不從者斥之不誨北遊吉林歸而卒

韓忬字魯人歷城歲貢生性浩落而行嚴正交遊咸推爲祭酒工制藝從學者徧里鄙每以前輩矜局繩人以此久躡場屋嘉慶十八年鄉榜忬年已邁始蒙

欽賜舉人平生究心理學於宋五子書融會貫通得其要領晚年尤好

心性之學著有晴牕隨筆四書講義

賈炎字蘭圃歷城人乾隆癸酉舉人任山西潞城知縣署平陽府同知莅官五月投劾歸恬退曠達有漆園之風致仕後日與諸子講書爲樂案頭不設卷帙晚著周易說六萬餘言年八十二臨終自銘其墓曰貧而負薪孫叔敖之子甘心偕隱龐德公之

濟南府志

卷五十三

人物九

國朝

歷城

善

妻世運之否泰一聽其參差而不齊

仇科歷城生員事母以孝聞依依膝下數十年無倦親歿與叔弟同居三十載好周貧乏接里人勸善規過善人之名著於遠近六十九歲卒

劉俊字冠千歷城人兄弟析居產取其薄及兄貧復分己產以奉兄歲饑宗黨有不舉火者出粟周之

呂碩秀字文實歷城諸生候選縣丞好施予所居近虞山山水壞橋梁出貲修之歲以爲常延師購書教族黨子弟登賢書刻費序者相望也雍正十二年知縣王國正於其村設廣濟會俾主之總督田榜其門曰善人年八十六卒

張秀字泗水歷城人世以善良稱於鄉臥外寢僕械擊之誤中牀

左右執以鳴官秀曰僕素癡幸赦之有別業在西郭溫泉側建臺榭種竹環之曰漪園爲達官宴遊之所園之東居民蓄冀草以肥田一日大府眺臺上令徙之秀爲之請遂止

王惠文字美斯歷城人事母以孝聞母歿善事繼母與異母弟析產不計多寡弟產中落復益之

張曇字雯華歷城人父政教仕金口鎮驛丞調平安典史曇援例候選縣丞事寡姊甚謹爲置田宅婚嫁諸甥凡子姓匱乏者周之無難色

郭鈞字玉生歷城人少孤事母甚謹母性嚴鈞年六十母呼其乳名卽奔至母不憚股栗長跪色解乃敢出侍母食食已而飽其餘終身不外宿賀弔夕必返母死旣葬夜必繞墓再周雨雪無

濟南府志

卷五十三 人物九

國朝 歷城

壹

間如是者二十年門前有老槐樹礪柯偃蹇人謂之母子槐黨煥烈歷城人年八十雍正元年

恩賜八品頂戴德行著鄉黨知縣表其門壽至九十八而終

王憲福歷城人生於順治十七年至乾隆二十五年年一百歲爲人端厚善處鄉黨聞有司聞於上建坊旌表

賜緞一疋銀十兩

劉永固字介孚歷城人性退讓居近市不妄與人交力樸素以矯奢華遇人急難必酌親疎量周之先塋外有祀田爲族人私鬻出資復其田而不責其人乾隆丙辰歲

詔舉行千叟宴永固與焉入都蒙

賜杖綺閭里榮之壽八十八歲而終

師信字墨林歷城人好鼓琴坐必端正祭祀必誠雖盛暑衣不解體從學者眾鄰里中男不博奕女不妄出感化使然也年八十卒

周環字景玉歷城人樂善好施嘗畜騾二頭繫之門首任里人用之其子開先能遵父行遇歲歉煮米周急里人賴活者甚多周涵字澤多歷城人獨力捐修興隆橋費千金人頌其德

趙冠九歷城人乾隆己酉武舉居溼溝莊鄰大清河東岸善潰嘉慶八年黃水泛溢出地併柴薪合數村之人築堤三里許寬二三丈高三四丈河東村落賴以捍禦人呼趙家堰

任情字道生歷城四橫橋人性好施居鄉濟急恤難每屆冬月有凍餒者輒解衣推食以爲常同里有紛爭者曲爲和諧終其身

濟南府志

卷五十三

人物九
國朝 歷城

姜

鄉無爭訟事

辛養增字月恒歷城人好善樂施嘗積數百金值年歉慨然罄出以濟貧乏鄉人素重之遇紛爭者一言立解康熙間總督王公賜額曰惟善是好縣令韓公賜額曰齒德兼長

曹鳳翀字羽聖歷城諸生康熙三十八年陳壅蔽之害且云明成化二年德王之國令每畝納夏麥三合三勺以充王府之用至今未除巡撫革其弊鄉里醵金謝之不受

劉文彬歷城人父早歿一家并日而食奉母備極滋味母失明多方寬解必得悅豫爲快常貿易至蘇杭遇乞丐必厚卹之迨歸以甘旨令家人奉母餐已伺聽察母之言語以知向來事奉之

真僞

生五年其母歷城人馬姓爲養子長而求其父母不以告事馬
其歡心馬沒除喪乃推產歸馬氏子去尋其父母遍走
七年遇蘇媪始知爲章邱人姓劉及歸而父母歿已十
餘年囊葬路旁具棺改葬如新喪儀築室墓上晝夜哭三年以
疾歸舍未幾卒年五十九

按劉澄據歷城縣志載之宜併入章邱志

陳嘉業字子顯號東原嘉賓弟善詩工丹青端方不苟廉介自持
前修縣志考核地理圖說一卷載於志首

張楫字濟川歷城人少有至性親有疾晷刻不離後賈於外忽心
動馳歸父果病析箸時以產讓兩兄俾專力於學一舉孝廉一
舉明經少暇卽讀書至老不輟精青鳥術多奇驗嘗着風鑑節

濟南府志

卷五十三

人物九

國朝 歷城

聖

要有治家格言三十則益懷劄記二卷

徐方遠其先自直隸卜居歷城祖奉祿好善樂施每冬遇乞丐輒
解衣衣之一冬衣凡數十易父穩性豪邁生方遠後棄家遊京
師方遠早失母隻身訪父乖願而返業嗟漸饒裕復至京奉父
歸有母弟招至灤以腴田予之田翁與合貲病劇以家計託之
爲經理使其子成立所得之息對厭分之焚券二千餘金年九
十卒

賈國華字實公歷城庠生性和易不言人過豐年積穀族黨待以
舉火者十餘家傭工數十年不易牛馬死則埋之縣令李天秀
贈以匾云齒德兼優

劉財字福榮歷城人鄰貧將鬻婦傾囊周之後鄰夫婦白首偕老

財至沒齒從未言其事年六十七卒

劉相字新甫歷城人博聞強記廉介自好章邑李可舉索債醉歸遺百金於路拾之揭於通衢仍還失主以一半爲謝不受

張華字秀峯歷城人事母孝母臨終曰吾願汝生子能以汝事吾者事汝母歿三年不敢齒春秋祭掃哀痛之切感泣行年七十卒

元厚字敦菴歷城人奉慈母教勸弟克勤儉族黨不能婚者助之不能喪葬者賻之饑寒者給以衣食貿易者周以資本年七十卒

李宗道字薪傳歷城人處事有權畧凡紛爭者宗道至卽息三十餘年村無訟者咸曰薪傳在不忍爲也年九十四終

濟南府志

卷五十三

人物九
國朝 歷城

五

王象乾字紹文歷城庠生家素貧爲父母茹苦誓不食葷每燕會人知其意亦不強勤學無力繼燭燃香照讀破屋積雪朗誦不已恒與子弟陳說古孝弟事年七十三卒

喬鉤字振常歷城人監生事母孝家貧輟儒而買每早起問安晚必俟熟寢然後去夜聞呻吟聲恒屢起弟錕病母甚憂涕泣顛天願以身代弟卒爲繼子女以慰母心堂兄貧割宅與之胞叔旣析箸奉養如父族中讀書者助以膏火好覽書籍著有教子格言卒年五十三

王伯忠歷城人居濼口鎮販資爲業少貧未讀書朔望聽讀

聖諭廣訓遂購一本以黃絹囊貯之供置潔室延讀書人爲之口授並

爲里人說之嘗刻二十四孝圖以勸世在平二十里舖至劉家

集十餘里無村落建茶棚三間栽樹穿井置田二十畝爲茶夫
工食資青州府東郭外四十里有泚河濶二里無橋梁造板橋
夏水漲則撤板秋後重設之道光六年橋成而歿

李炯歷城楊家莊人康熙閒族人議立家塾其貲出於祭田社中
炯割己產三十餘畝以副之立約云凡吾族有入泮登科者種
此田遞相授受由是族人多讀書成名者炯子蕢實孫永淑私
淑慎五曾孫汝襄皆庠生年八十一五世同堂

恩賜七葉衍祥額及緞疋等

馮方郭字次汾歷城人監生性至孝老而彌篤家居或以事出返
必告於先祠凡所爲言動置一冊曰日記錄一方稱爲善人

郭掄升歷城人年八十三歲舉鄉飲賓子二人士魁士登孫五人

濟南府志

卷五十三

人物九

國朝

歷城

堯

曾孫七人元孫三人五世同堂居城東小莊

任珥字崙玉歷城人歲貢生輕財樂善教人不計脩脯子二人孫
九人曾孫十五人元孫一人五世同堂年九十四卒

王泳淳字熙隆歷城人性孝友品端方康熙五十三年生至嘉慶
二年八十四歲蒙

恩賜七品頂戴嘉慶二十年

賜昇平人瑞匾額年一百五歲卒

劉洧歷城人性謹厚好恤孤貧每月旦與人講孝義有遺金者代
爲之守歸其人孫芳年七十餘歲五世同堂子孫蕃衍

王召歷城人喜施與里有爭競苦爲勸解借貸不能償者焚其券
年八十餘歲五世同堂子季倫年七十餘歲復五世同堂

劉士美字廷秀歷城人性樸誠和以接人年八十一歲子一人孫三人曾孫四人元孫二人五世同堂閭里稱雍睦焉

杜鵬雲歷城人年九十七歲五世同堂

茅祚宏字令聞由山陰遷歷下性恬退無疾言遽色慷慨好施告貸無不應乾隆五十年榮與千叟宴蒙

聖恩賜福字竹杖荷包緞疋並

御製詩一函年近八旬後嗣蕃衍

茅壇字載青祚宏長子入齋務悉心學書膺綱總爲東齋之柱者四十餘年蠲賑助餉首倡急公濟貧恤難救患解厄修廟宇葺橋路動費數千金無德色候選運同議叙知府子二長錫爵丙午武舉次錫駱候選千總孫八人五世同堂年九旬無疾而終

濟南府志

卷五十三

人物九

國朝 歷城

卒

陳大儒字希哲增廣生其先自章邱徙歷城博覽經籍爲邑名儒掌教振英書院嘗識者皆獲甲第太守陸公改名蒿菴書院仍請掌教年近八旬堅辭未就歿之日諸生縞素送喪私謚純學先生

陳鎮九字其山大儒猶子也乾隆丙午舉人嘉慶戊辰大挑一等分福建以知縣用因資斧不給改教選陽信訓導捐修學宮記功一次振興文教親課士子所定甲乙無不咸服卒於官紳士捐金送之子二長士瀛庠生次士藻庚午舉人通性理之學未仕卒

金坊字志行歷城人性至孝年十六歲父長庚沒毀瘠如成人二十一歲生母李氏歿盡哀盡禮事嫡母陳氏唯謹病延醫治齋

禱神明晝夜侍疾不脫冠帶者逾年母死暫厝於郊每夕攜臥具宿墓旁胞叔阻之遂朝往暮歸設饌薦新如親在時越二載葬乃卒哭衰麻三年事師如事父與人交有古處風

金洙字文波號五泉歷城人宋中奉大夫從鑑之後宗一仕元爲京東宣課司大使始遷浙江會稽祖功發監生游幕山左因家焉父銘候選州吏目洙生有異稟讀書能識大義探抉其精微處事和平有遠度乾隆庚戌恭值

鑾輅東巡以獻賦

召試行在壬子舉優貢歷任文登福山黃縣青城訓導丁卯鄉試第三人已成進士改庶吉士出爲深澤知縣訟無三日淹舊獄多平反三月後訟頓息調清苑父老攀留懸匾并封其手植二槐

濟南府志

卷五十三

人物九

國朝

歷城

空

而去清苑附郭省垣政務繁劇以鎮靜處之十八年秋值開州滑縣之變制府督師軍中所需不待期而具逆匪馮克善率千人來襲聞有備而逃匿獻縣密札擒之十九年春遷易州直隸

州

西陵重地

鑾輿開歲一至先事爲民均其力役從容輸將民忘其勞臨行紳耆

送者泣下去後懸德政旂於堂并立碑道左以兩次挑永定河加知府街道光元年署保定府決疑獄積案五百餘件平反者十之三未嘗紊一官罪一吏次年四月補廣平府丁母憂去職五年服闋直隸制府蔣奏留原省會審要案清釐旗地爲奸民所占者積弊一清補正定府晉州素多盜捕渠魁置重典

盜賊以息藁城瀕滹沱河請帑以修其城又築迎水壩以捍之
官民獲安調保定府七年春擢河間兵備道兼署長蘆運司請
免積欠數百萬兩商人感戴以親老告歸旋丁父憂十一年起
復發直隸補大順廣兵備道以失察教匪尹老須案降調捐復
會浙江海塘工起揀發浙江自海甯烏龍廟至尖山長一萬九
千三百八十丈親履周視悉心體察凡用帑銀一百五十七萬
二千餘兩并陳善後事宜十五年颶風大作潮水漫溢附近田
廬一無所損十六年九月補授浙江糧道漕務殷繁昕夕無暇
次年春復蒙委勸孝豐大案積勞致疾二月初卒柩歸之日塘
工員弁附近居民泣送不絕予二長鳳藻壬辰副貢候選兵馬
司副指揮次壽宣邑庠生孫二人

濟南府志

卷三十三

人物九

國朝 歷城

奎

尹濟源字東沈號竹農四世祖海山由棗強遷歷城曾祖洪福祖
善生子三人父繼功最幼乾隆戊子科舉人因家貧往濟益教
讀生濟源七歲自濟益歸十三失怙十六失恃家益落力作之
餘不忘讀書每借書讀一過輒成誦十九歲應童子試以第一
名入泮嘉慶庚申科舉於鄉戊辰成進士改庶吉士散館授禮
部主事二十五年恭遇

昌陵大事赴熱河八月還京

行在喪儀向無成例酌古準今奏定一百六十餘事道光元年辛巳
充河南副考官升郎中轉御史二年授雲南學政

召見問家世履歷甚詳仍留京擢福建建寧知府三年升四川成綿
道赴嘉定等府勘木植承辦官以棹椅爲問愀然曰是嘗余也

指江水爲誓乃不敢復言丙戌卓異入京蒙

召見升湖北按察使楚省訟獄繁多盜賊充斥清釐積案三百餘件捐廉一千兩購線緝沿江盜匪九十餘名盜風少息解審人犯到卽過堂無稽留之犯司府縣各獄每夏季必令隨時灑掃製藥分給仍親往查閱恐獄官視爲具文也十年四月升四川布政使蜀地風氣浮動請於上官創設鄉學以教之復譟告誡十條民風一變時值辦木植向例木價十餘萬兩由藩庫借支自通省官俸攤扣歎曰吾不能飽一人之囊橐而累後日之朋友也僅發三萬兩應扣平餘並付之十二年九月升山西巡撫是秋關北饑兼岢嵐等處被災蠲緩並請皆蒙

允准先捐廉二千兩並勸各牧令捐賑有知府爭缺專摺參奏

濟南府志

卷五十三

人物九
國朝 歷城

奎

上是有巨盜十餘起未獲一犯數縣並叅不逾月而獲犯過半由是晉盜多逃論者以爲士會復生十四年調湖北巡撫五月入

京

召見四次每見必

賜食

諭曰汝之操守朕所素知湖北難治倍於山西汝當悉心籌辦時楚省連年被水荆門所屬皆爲澤國漢川等縣官吏俱空災民四萬餘人籌款勸捐日給口糧擇隙地立窩棚以安之其流離外省者咨會直隸河南山東各省按口授食護送回籍前後全活者無算每大霖雨及報江水盛漲卽憂形於色眠食幾廢十月充武監臨官受風得噉症十五年二月沿江催船感冒三月請

假五月銷假七月各處報災撫綏如前然勞瘁益弗勝矣八月奏請開缺調理奉

旨再賞假三月十六年正月復請開缺始蒙

恩准回籍二月去任四月到籍居城東之洪家樓生平內和易而外端嚴與人無忤不言人過失有欲以私干者對語終日卒不敢發嘗語子孫曰無關榮辱者功名有益身心者學問但能孝弟忠信雖布衣何傷任晉撫時聞里中歲饑施棉衣千件歸里後見東關外官路殘缺倡捐千金修砌行人賴之道光十八年四月卒年六十七配邵夫人繼配張夫人子四長葆英館班議敘府經歷分發山西次葆根次葆樞次葆振孫三人賡煜附生賡炤賡杰曾孫二人

濟南府志

卷五十三

人物九

國朝

歷城

五

按歷城鄉賢縣志據岳通志載畱祀者六人朱昌祚朱宏祚孫建宗葉承宗孫光祀朱綱而府學鄉賢祠有戴藩朱綵朱絳三人竝載志中今祠中木主又有歲貢生高鳳潮一人並無事實俟攷

張丕昌字乃圃一字小海其先掖縣人孔教爲明太常寺卿生刑部侍郎忻人 國朝爲刑部尚書忻生太子少保文華殿大學士兼吏部尚書諡文安公端端生刑部主事萬亨萬亨曾孫曰延揚爲江甯縣知縣有能名丕昌父也始遷歷城丕昌少沈毅有膽略博通書史好騎射屢試見絀於有司援例爲中書科中書嘉慶九年改捐知府歷署安徽池州太平二府事丁母憂歸十八年起復引

見仍歸安徽候補行至江蘇徐州府界豫東教匪滋事黃河南北騷動督師兩江總督百齡奏留襄理軍務領官兵鄉勇各三千人參將以下均屬焉往河南考城江蘇沛縣碭山山東曹單一帶堵禦乘便勦除丕昌號令嚴肅統御有方凡邏獲教匪五百六十餘名事平補太平府調潁州府時奉省檄嚴捕擒匪楊八郎八人兩月不獲丕昌乃邀潁州營遊擊王慶遠阜陽令吳甸華計曰八人所以不可獲者以衛胥營卒與之通耳吾今約令文武役卒合力捕之無論何人擒獲三署卒役各賞二百金均來府領之不半月而八人皆獲丕昌獨出賞四千餘金一方安輯道光二年以卓異引

見改刑部員外出理熱河刑司又二年告歸以文墨自娛越數年卒

濟南府志

卷五十三

人物九

國朝 歷城

五

楊對廷字晉之歷城人邑廩生少與兄受廷同學受廷成進士對廷屢躋於場屋性和易與人交胸無城府語不欺人好善樂施家不中貲而米粥衣絮以及藥餌之類盡家所有以予人貧老無歸者常依之收養幼孤又好放生戒殺家中落猶踵行之蓋天性然也年近五十始舉一子福祺督之學甚嚴對廷卒福祺舉於鄉成進士改庶常皆由庭訓云

